

*SPEAKER : Mi suaksualte chu tuma um lohvin an tlanhhiaa,
Mi felte erawh chu sakeibaknei angin an huai.
Ramin a bawhchhiat avangin puipate tam tak an lo
awm thin a,
Mi thil ngaih dan thiam leh hriatna neitute avang
erawh chuan ram chuan a din rei phah ang.
Mi rethei hnehchhiahtu mi renchham chu,
Ei tur engmah hnutchhiahtu nei lova thil len bo vek
ruah ang a ni.
Dan hawisantute chuan mi suaksual an fak thin a,
Dan zawmtute erawh chuan an kalh thin.
Mi tha lo chuan rorel an hre thiam thin lo va;
Lalpa zawngtute erawh chuan engkim an hre thiam thin.
Mi hausa a awndan dik lova awm al chuan
Mi rethei awndan dik taka awm chu a tha zawk.

Thufingte 28: 1-6.

Tukinah zawhna kan nei lova, tun tum kan session-a
zawhna lo lutte chu chhan zawh tawh vek a ni a. Tunah kan
Business-a Private Members' Resolution kan la anga, Pu Ellis
Saidenga Resolution a ni a, move turin amah i lo ko nghal ang.

PU ELLIS SAIDENGA : Pu Speaker, Mizoram leh hnam tana thil
pawimawh berte zinga mi he House zahawm
taka move theihna hun min pek avangin a hmasain lawmthu ka
saw e. A hmasain ka resolution hi ka'n chhiar chhuak phawt ange.

"This Assembly is of the opinion that fixation of land ceiling for all the families in the Town areas in Mizoram should be introduced".

Hemi thu han chhiar ngawt pawh hian kan ram leh hnam lokal zel
tur atan pawh a pawimawh zia a lang chiang viauva, sawi tam vak
pawh ngain ka hre lova. Kum 1940-1947 atanga kan thlirin
Mizoram hmun hrang hrang kan thlirin thingtlang khaw te tete
leh kan khawlian berte kan en chuanin a thang sawt hle a. Tin,
Aizawl leh Lunglei pheih chu U.T. hnuah pawh hmuh theihin a thang
a nih hi. Tin, tawng thuchhelo mipui pawh kan pung sawt em em a,
tunhmas In hmun neih duh lohna hmunah te chuan In a tlar dul
tawh a, ram awih bak bahai tak takah-te pawh In a tam ta hle
a ni.

Anaherawhchu, heti laiah hian mipuiin harsatna kan
taw a. Aizawl leh Lunglei, a bik takin kan han hawi vel chuan
ram zau tak ruak hiai huai kan hmu a. Chungte chu ram ruak emaw
tih a awl hle mai a, mahse, han zawh chianin tute ta emaw a lo
ni zel mai a. In hmun kan ti a, compound zau tak tak neite kan
awm ta a. Mi rethei te tete chuanin in sakna tur hmun kan nei
zo ta lova, kan hmu zo ta lo a ni. Chuvang chuan, heti laia
thil pawimawh tak lo awmta chu, heng, mi rethei te te ten Mizo-
ram, kan khawpuih te ngei hmun kan lo neih ve theihnan-te
heng mi thenkhatin hmun zau pui pui an neih thin te hi insem
sawma, awm sela, Land ceiling, chhung khatina ram neih chin
taw leh in hmun neih chin taw bithliahna hi awm selangin,
Mizoram mipui tan a tangkai dawn em em a ni. Tin, he House zah-
awm tak hian min pass pui se tih hi ka rawn ngen a ni.

*SPEAKER : Awle, hemi resolution chungchangah hian a sawi duh
apiang tan hud kan hawng ang.

* - Speech not corrected.

...3/-

*PU J.H.ROTHUAMA : Pu Speaker, he resolution hi a tha viauvin ka hria a. Khawpui lo thang zel tur leh thang mekah hian Land Ceiling kan neih ve hi a pawimawh tak meuhva, helajah hian khawpui chung chauh tin a rawn tarlang na a, a ram pumpuih pawh hian a tul viauvin ka hria a. Mizoram, State changkang zawkte chuan Land ceiling an nei a, tin, central atang ngei pawhin Land Ceiling hi buatsaih a ni tawh a. Hetianga mimal tan mahni duh ang zat zat ram luna tihdan ang hi chuan la tih theih niin a langa. Chutiang a nih chuan nakin thangthar la awm zel tur atan hian mi mal mahni duh ang a duham taka ram lo neite chuan nakin zela ram la tha tur kha duham taka lo invalhin tuna a la harsat loh lai hian ram an lo inneihir teh teh dawha. Chuvang chuan mi mal hien ram ceiling sian hi a thain ka hria a. Hei hi Agriculture atan te leh In hmun atante pawh a tulin ka hria a, chuvang chuan land ceiling hi kan introduce ve ngei tur niin ka ring a. He resolution hi pass turin ka rawn thlawp a ni. Tin, Aizawl khawpui chungah ngeite pawh tunmaa huan ramanga an lo neih thin vawin niah erawh chuan khawpui lo thang zelah in hmun lo ni ta te a awm bakka. Chung kara mimalin ram zau tak tak an neithe pawh hi khawpui thanglai ein a dik thei lova.

Tin, khawpui lo thang zela heng ram In hmuna theh tak zelah pawh hian mi mal ten an ram kha mimal hnenah then darhin an hralh a. Chungte pawh chu kan sawrkar hian a en ngun a ngain ka hria a. Amahni duh ang anga an chhiara an hralhah khan In 10 te 20 dawn lai te a lo leng thei a. Chu chu planning leh engmah awm lovin a ram kha an chan sawm a, tah chuan a ram leitute tan pawh kawthier mumal lo leh kawngpui pawh awm lovin a ram leitute khan an chandarhin chutiang chu hmuh tur pawh a awm a ni. Chuvang chuan hengte pawh hi ngun lehzuala kan en a tul viau-vin ka ring a ni. Chuvangiq, vawin a Pu Saidenga resolution hi kan pass pui ngei a thain ka ringa, ka rawn sawi ve a ni e.

*PU HIPHEI : Pu Speaker, he resolution hi a tha ka ti a, Congress hun lai pawh khan vawikhat chu an pulut tawha, kan pass ta lo ni khan ka hria a, hei hi vawikhat lai chu a lo kal tawh a. Kan zuk pass mai lohna chhan kha ka hre thei mai ta lova, amaherawhchu, thiltih harsa tak mai nia kan rin avang a nih ka ring a. Tunah hian he Land Ceiling hi lo sian lo ta ila, tun ai hian nakinah chuan kan la harsa lehzual dawha. Chuvangiq, harsatna dang kan neih leh hmain, tunah pawh harsa tak kan ni tawhin ka hria a. A chhan chu Aizawl leh Lunglei ramte hi private ram tam tak a lo awm ta a. Chuti chung pawha kan ruling member pakhatin huaisen taka a rawn pulut ngam hi thil harsa tak ni mah sela tih an tum zia a rawn tarlang niin ka hria a, chumi thuah chuan lawmawm ka ti a. Hemi ka thlawp pah hian nizan Radio thupuan tlema zuk clarify ka duh a. Pu Speaker, min phalsak hram la. (Speaker: Ni love, resolution thil kha a ni a). A relevant thova, a resolution-ah khan ka lut dawn thova. Helala kan thusa-wi hi a sawituten sawi dan kan thiam loh nge ni a, tin, a ngaithlatuten an ngaithla thiam lo nge ni, kan sawi ang zawnga puan hi a awm thin a ni. Chuvangiq, min ngaithiam la, niminah pawh a relevant leh relevant lohvah kan inhnial vaka. Tihah chuan kan Chief Minister te pawhin a relevant lotam tak an sawi thin a ni. Niminah khan tumahin Laldenga mantirtuah khan kan puhlo, aman a sawi mai. Pu Mandala'n Minister of State for Home Affairs-in Parliament kha a hrih kha, (Speaker: Ngawi teh, hemi resolution nen a in relevant lo, kan resolution-ah khan i kal ang) kan sawi mah anga maw, khani kan sawi chhawn kha keini phuahchawp angah mi charge ta a, kan phuahchawp lo. Radio thupuan (Speaker: Radio lam sawi a tul lo, hemi resolution-ah i kal ang, i sawi duh loh chuan thu mai rawh Pu Hiphei). Ni lo, sawi fiah a tul si alam.

* - Speech not corrected.

(SPEAKER: sawi tur dang i neih loh chuan thy tawh langin, hemi resolution chungchang atan liau liau hian Radio tih emaw C.M. tih emaw kha tunah resolution-ah a tel loh avangin, kha kha chu sawi lo mai rawh) Tihah chuan niminah pawh relevant lo tam tak i sawi tir ve tho a ni. (Speaker: Kha kha chu ka phalna a ni) A nih loh leh a dik lo chu khawlahnge kan sawi ang, hemi House-a kan sawi lohvin. (Speaker: Ni dangah kan la ti dawn nia). A dik lovin in puang zel anga, a dik lovin in admit bawka si a.

SPEAKER : Resolution-ah kan kal anga, tunah hemi resolution-ah hian sawi duh dang in awm em?

*PU J.THANKUNGA: Pu Speaker, heti laiah Hnahthial Blaltu resolution lawmawm tak mai kan hmua, amaherawhchu, hemi rual hian thil ngaihtuah tur tam tak awma lang chu eng anga siam tur nge ni ang, eng anga sem tur nge tih te tam tak ngaihtuah a ngai a. A thu tlangpui han ngaihtuah chuan helalah hian mi tam tak ten ngaihtuah tur tam tak a awm ve a. Chuvangin, he resolution hi pass ka duh lo tihna ni lovin Public opinion te kan han en phawt dawn lawm ni tih ngaihtuahna ka nei a. Heti laiah vawina pass phut mai hian mipui ngaihdan ang lo hian Assembly pawh hian thu a keng ve thei bawka. Chuvangin, hemi hi Department ten hemi kalhmang tur ang hi mumal tak, entirnan- Acres 5 emaw Bigha 5 emaw chutiangan Aizawl leh khawpui dang Town chhungah ram neih theih a ni ang tih angin emaw lo ti dawn ta sela chutiang chu kan tih phawt loh chuan. Entirnan- 200ft emaw 100ft emaw bak mimal tan neih theih a ni lo ang tiin emaw lo ti ta sela. Chutiangah chuan buaina nasa tak Aizawl mipui leh Lunglei Town chhung, Saiha leh hmun hran hranah antawk mai thei a. Chuvangin, he resolution hi a thu maw ai hian a practical-ah harsatna a awm mai thei a. Engtingge a resolution neitu hian mumal zawkin mi mal ram neih theih chin tih ang reng, In hmun leh huan ram atan tih ang deuh hlek kha a sawi fiah tel loh chuan heti maia pass mai chu nakinah Department ho hian kan in luah laite pawh min la chhuhsak thei mal ang tih pawh kha thil hlauhawm ve thei a ni a. Chuvangin, a resolution neitu hian mumal deuh hlek zawkin duh dan te helalah hian a rawn siam thei lawm ni? Chumi a nih loh chuanin Aizawl khawpui mai ni lo, Lunglei te leh hmun tam taka miten ram harsa taka an lo enkawl leh eng emaw mipuiten harsatna an tawh kha thilawm thei a ni a. Hun tiam chhungte leh eng emaw te ngaihtuah a nih lohva thawklekhata hetia kan pass puat mai chuan nakinah Department ten awm lo lutuka an rawn kalpui thut mai chuan kan chhe zo leh vek mai lawng maw tih hi ka ngaihdan a ni a. Chuvangin, a resolution neitu khan a duhdan mumal deuh hlekin han sawi turin ka'n ngen teh ang.

*PI L.THANMAWII : Pu Speaker, hemi resolution chungchangah hian tlem han sawi duh ka nei ve a. Thil pawmawh tak mai a ni a, nichina Member zahawm takin a sawi ang khanin Plan mumal awm mang lova khawpui chhungah te hian in hmunte lo pek mai mai a nih avangin vawin niah hian harsatna tam tak a awm phah a. Tin, chu lo vah, mi chhete te, in hmun hmu zolo, mi in luaha inhawh bei tawka tawka hi kan tam em em mai a. Chutih chhung chuan veng thenkhatah chuan ram zau tak tak lo humpah bikte pawh an awma. Chungte chu huan atana siam pawh ni lem lo, kut pawh thlakna nei lo, amaherawhchu, miin an han khawh dawna, ui buhpawl chunga bawka ang mai khan ka ta a ni, tia lo hauh hlar mai kha an awm bawka. Chungte han ngaihtuah chuan enggemaw tia sem rual theih atan a the hle. An chhuanlam ber

* - Speech not corrected.

chu hei hi Pass kan nei tawh a, hei chu ka ram a ni an ti ringawt mai a. Chutiange chu enfel a, chutiang ram chu engtia tih tur nge tih te hi ngaihtuah a tha hle a. Land ceiling Act hi phai lama an tih ang khu chuan kan ramah hi chuan a harsa ang reng viauva. Phairamah chuan ram pawh a tama, in hmun atan ringawt pawh Bigha 5 Bigha 6 laite an lo invalh thin a, chungah chuan in hmun atan chuti zat chu tiin land ceiling Act hi siam a ni a. Kan remah erawh hi chuan chutiang chu tih har dawn a. Chuvang chuanin Ratu bial MLA zahawm takin a rawn sawi ang khan he thil hi pawimawh em em leh tul em em ni mah selangin Dan mu-mal taka siam a ngaih dawn avangin tuna han pass puat mai hi a tha ber ang em aw tih min ngaihtuah tir a. Fel takin department lamte pawhin han en sela, tuna kan in hmun te hi chu ar hmai tiat lek lek a nia. Chutiang leh tunhma lama duh ang tawka lo invalhte nen kha chuan kan inthlau ta lutuk a. Chuvang chuan ar hmai tiat lek hmun nei lo kha chu Bigha 2 lak belh rawh se ti mah ila, khawlaia mi mah kha a lak belh tawh dawn lova, chutiang chu thil awm dan a ni a. Tin, a pawimawh bera ka ngaih chu, Pass kan nei tih vanga engmah tih siloh, Aizawl-ah changio pawh khawpui lian deuh, Thenzawl te leh Serchhip-ah te pawh khian pass ka nei a ni hei chu, tiin an hauh hlar a. Theikung pakhat pawh a ding lova, In 4 in 5 leng thei turte chu an ui sa hauh hlar mai a, engmah tih ngam lohvin kawng an dala, sawrkarin thil pawimawh deuh han siam dawn sela, khawtlang pawhin an ui hlur mai si a, amahnin hmang si lovin, khawtlang tana hmasawna tur dal em emin an awm a ni. Chhui chhuaha ngun taka en a ngaihtuah a thain a rinawm.

Tunah entirnan- Mualpuiah te pawh sawn kum 10-20 pass lo nei tawhte pawh kha vawin ni thlengin engmah tih lohvin an la awma, huanah pawh an siam bawh lova. Chutiange pawh chu en chhuaha, vawina resolution hi a tha hle naa, han pass puat tin mai ai chuan en chhuah veka ruahman nisela a thain ka hria. Ka lawm e.

*PU JOE NGURDAWLA : Pu Speaker, kan member zahawm takin Land ceiling hei ila a tihna a ni mai a, Town area-ah te hian. He thil hi thil tha tak, thil zahawm tak mai niin ka hria a, ngaihtuah ngun pawh a tha viauvin ka hria a, he thil hi he House-ah pawh hian vawikhat chu sawi rik tawh a ni. Hemi kah ram dinhmun hi thil inthlak velah kan awm niin ka hria a, tunhma chuan Mizoram hi Communal Land, vangtlang ram a ni deuh vek thin a. Amaherawhchu, hei sawrkar a lo kal zel a, phai lam angin kan kal lo thei lova, Communal Land a ni e ti ringawt mah ila, ownership a awm lo ve ti ila a dik leh hauh lo mai a, Petta te kan lo ti a, mi ram tih angin kan ti ve ta a. Chulalah chuanin mimalin a enkawl loh laia kha a dik hauh lo mai a, amaherawhchu, ngaihtuah ngun ve hka kha a ngei leh ta a. Entirnanatun tak pawh ni ila, T.B. te khan lo damlo ta ni ila, enkawl thei lo dinhmunah ka awm chung khan sawrkarin min lo acquire sak ta ngawt mai sela, chulalah chuan eng emaw chen chu a dik lo ve ta tlat mai a. Chuvangin, helai hi kan member zahawm takin a rawn sawi ang hian enkawl lo zuk tih pawh khan enkawlote dinhmun kha a inang lo thei tlat mai a. A fate an lo lem hunah chuan a enkawl leh duh dawnin a thei dawn pawh chu a lo ni ang a. Chulalah ngaihtuah tur pawimawh ta ber chu a ownership kha kan tihfel a, engtichenge miin a neih tih kha a pawimawh ta tlat mai a. Chuvang chuan Land Ceiling hi chu tih loh theih lohah ka ngai a. A pawimawh ber zawka chu, kan ti dawn lo pawh ti ila, kan tih loh chung hian a thei fa leh a pamham thil lo ngaihtuah bikte khan an nei teuh teuh tho mai sia. Chuvangin, a pawimawh ber zawk chu, sawrkar kan leh mimal tan pawh engti chen nge a neih theih ang. Kan zuk tihfel kha chu kang zawng zawng thiatna kha

* - speech not corrected.

a ni dawn ta a ni. Miin a enkawl loh dan kha va verify tak tak ila chuan tam tak chuan explain ve leh ta sela, a har loh fu dawn ta a ni. Tin, ownership a lo nei h tawh ngat pheh kha chu a buathlak dawna, chuvang chuan sawrkar chuan helaliah hian Dan Chiang felfak a siam chu a tih makmawh a lo ni ta a. Tih tak emah chuan tam tak chuan hei Mizo kan ram kan ti a, ram hmangaih tur pawh ka nei ve lo ti hi tam tak an awm tawh a ni. Mi huante alawm maw kan lo hmangaih ve mai mai le an ti a, a dik tlat a ni. Mizoram a nihna avanga hmangaih ngat lo tan pheh chuan ram hmangaih tur an nei lo tak tak a ni. Hei hi a kal zel pheh chuan phai lam anga Landless tak tak hi kan la sam hae dawn a ni.

Chuvang chuan tuna ngaihtuah hi a hun tak takin ka hre tawh a, a tlat lutuk hrat tawh nghe nghe a ni. Tahchuan sawrkar lam pawhin tuna as it is resolution, a lo kal dan anga pawm mai chu a dik lova an tih hi chu eng emawti chen chu ka hrethiam a, amaherawhchu, chu pawh chu a dikin ka hria a, tho wa. Helai hi department lam pawhin ngun taka chhuiin public opinion pawh la ila, amaherawhchu, public opinion chu helalia member te hianin bial hrang hrang al kan awh dan atangte leh kan bialte sentiment theuh atangin eng emawti chen chu a hriat theih mai a, helai problem a chu, a hlingchhun te kan ni theuhva. Chuvang chuan hemi hi chu kan tih tur a ni a, amaherawhchu, enganga zau nge ni mimal pakhat khain nei h theih ang tih kha ngaihtuah ngun a ngai ta a. Entirnan- phai lamah chuan 3 Acres te 4 acres tihte a ni nual hlawn a. Chulai chu Mizoram dinhmunah chuan khawi lai kha nge appropriat ang, remchang ang tih kha keimah pawhin heti mai chuan ka sawi thiam hauh lo mai a. Amaherawhchu, zau lutuk chu a chi hauh lo anga, zim lutuk pawh a chi hauh lo ang a. Chulai chu Department pawhin, kan Minister concern pawhin ngun taka lo chhuiin ram danga ceiling state danga an tih dan tlangpui eng ang area a zau nge an tih tih ngun taka lo lain, chulai atang chuan lo fawnkhawm se tih chu helai House-ah hian hun hmasa lama kan tih chu a pawimawhin ka hria a. He resolution hi chu a spirit hi ka rawn thlawpa, thamral mai tur chi chu niin ka hre lova, ka rawn thlawpa, a tha a. Amaherawhchu, chulai chu Department in lo bawhzuiin leh a resolution neitu pawhin la rawn pulut leh mai sela. Tin, official resolution hial pawhin rawn ti se a thain ka hria a, chu chu ka han sawi duh a ni. Ka lawm e.

*PU BUALHRANGA: Pu Speaker, he resolution ka hmaa member-ten an han sawi atang khan a tulzia leh a mamawhzia chu a Chiang viau mai a. In hmun buaipuitute chuan an hrechiang viau anga, Aizawl Town chung leh hmun dang Town area a puanah te hian Aizawla awm lo thei lo, an hnathawhin a zir tlat mai sawrkar hna emaw Aizawl-a mahni mimal eizawna emaw hmundanga tawhsawn remchang silo, chhungkuaa awm si, amaherawhchu, in hmun tur nei reng reng lo tam tak an awm a. Tin, leh lamah chuan mahni thawh hahna pawh ni lem lova inbiang biak thiamna a, tun- hmaa ramnuai ni thin, Bawrsap hun lai emaw District Council hun laia saw lai saw nei rawh tih mai mai, a neitu nihna a sum leh pai senga thawh hahna pawh nei lo reng reng a chutianga nei mai chu an tam bawka. Tichuan hei khawpui a lo zau zela, tuallalah public ta pawh nilo, mimal ta nise, park pawh nisi lo, ngaw enkawl lemlohte pawh hi a awm thei dawn niin a lang a. Chuvang chuan he Land ceiling hi chu fix chu thil tul tak niin a lang ta a. Land, ram chung chang thu hi thubuai tam tak awmna a ni thin a, chuvang chuanin kei ka lo hmuh dan chuanin he resolu- tion hi he House hian a pass phawt anga, chumi hnuaiah chuan fixation of land ceiling in urban area tih nge ni ang Bill kha detail takin Department in a rawn siam anga, he House hian a

* - Speech not corrected.

ngaihtuah zui leh anga. Chutah chuanin exhanctive takin mi pakhatin in a neih tur chinté kha a fix ang a, chutiang chuan ti turah ka lo ngai a. He resolution hi kan pass phawt anga, chumi hnuai chuan Act chu Department in a rawn buatsaih anga, chu chu he House-ah hian Member tam ber te ngaihtuah angin Bill dang kan ngaihtuah ang bawt khan kan ngaihtuah leh turah ka lo ngai a. Chuvang chuan hei hichuan fix mai hi a tha e a ti a ni mai a. Department-in Rules siama hman nghal mai turah chuan ka lo ngai lova, a chhan chu thil koritu tak mai, mihring, kan khawvel nunah chuan ram inchuhna chungchangah te in hmun lo ram chungchang thute hi pa rilru tihah tu emaw pa rilru tihlim thei a ni thama. Chuvang chuan Department-in Rules an sian a, hman nghal mai turah ka lo ngai lo va, resolution, hemi tlawh chhan hian Act, Bill chu detail takin a lo chhuak leh turah ka lo ngai a. Chutiang a nih chuan he resolution hi a bul tanna chauh tur a nih avangin he resolution hi pass mai pawh hi a sualna a awm dawn em maw ni chu aw ka ti a ni.

PU K. LALSANGA : Pu Speaker, sawi rei ka tum lem lova, ka ngaihdan tlem han sawi ve ka duh a. Tuna member zahawm tak han sawi kha thildik tak a ni a. Amaherawh chu han sawi ve ka duh thung erawh chu he kan Bill pawimawh tak hi pass ngei tha ka ti a. Hemi kan resolution neitu hian Land ceiling hi chhungkaw chuti zatah acres chuti zat ni rawh se tia fel deuh thlep thlawpa a rawn ziah chhuah rih loh avang hian hei chu pass duh mah ila nakinah Department-in fel deuhva an rawn tihchhuah hunah pass ila tih chu ka duhthusam a ni a. Tin, kan sawi tawh ang khan a pawimawh dan chukan hre theuhva, tunah chuan mi thenkhatin ram ar hmai tiat kan neih loh lain thenkhat chuan bawng hmai tiat kan nei a ni a, chu chu Democracy ramah chuan a dik lo a ni tih a chiangsa em em anga, chulam chu sawi thui ka tum lo anga. Ka han sawi duh ber zawk chu, he resolution hi huaisen taka kan pass pawh a ngaiin ka ring a. Amaherawh chu, huaisen taka titur pawh ni ila helai hi awmze awm ni phawt se tih hi ka duh a. Member zahawm tak Tuipang hial aiawhtuin a han sawi ang khan Ministry hmasah pawh khan rel a ni tawh a, mahse, engvanga bawhzui ni lo nge ka hre tawh lo a ti khan ka hria a. Kha kha hei keini pawhin tul kan ti tlang theuhva, tunah pawh tha kan ti tlang theuhva a ti a. Hetianga pawimawh kan tih tlan hi chu hemi mover vekin emaw midangin emaw an rawn theh lut leh a nih pawhin hei kan hre tlang theuhva, awmze awma depart- ment in a rawn ruahman chhuak a nih chuan pass ngei ila tih ka duh a ni. Ka lawm e.

***PU C. L. RUALA :** Pu Speaker, a hmasain he House hi thleibik nei lovin thinnel takin Chair atanga i control fo ka duh a, ka ngen che a. Niminah thil sawi fiah duh ka neih avangin minute khat chauh hun ka dil belh avanga Marshall hnawt- chhuak tura min han ti kha a pawl em em ka ti a ni, chhuak turin a hrih a ' tiin an han puantir leh nghal a, a zahthlak a ni. (Speaker: Resolution-ah khan kal nghal pawh) Resolution-ah ka kal dawn, Pu Speaker, chuvangin he House hi chair zahawm tak, a zah- awmna a lan theihna turin thinnel takin, thudik tanin thleibik nei lovin i hruai ka duh a, chu chu ka ngen hmasa duh che a ni.

He resolution hi nia, kan ngaihdan kan sawi ve vak pawhin in pawm leh duh kher lo anga, ban tam lam in ni a, min phar khum leh tho anga. Engpawhnisela, he resolution-a kan hmuh ang ang hi kan pass dawn emaw dawn lo emaw ruling lam ngaihdan a ni dawna, ruling lam ngaihdan erawh chu a phirsa deuh tungin ka hria a, a thenin pass an duh a, a thenin pass loh an duh a. Helai hian thil pawimawh tak lo lang a awmin ka hria a.

* - SPEECH NOT CORRECTED

A hmun chungchang chu thu pakhatah dah ila, kei chuan ka rawn sawi lan duh chu, air ceiling hi siam zawk ta ila, a tul hmasa awm mange ka ti a. Mi thenkhatin in sang pui pui an sa a, chhawng 7 chhawng 8-in, engangin nge thenawmte tan a hnawksak tih pawh an ngaihtuah lova. Assam-ah te chuanin ceiling a awma, an thenawmte tan a hnawksak tur a ni lo an ti a, Delhi-a kan kal pawhin chhawng 2 bak an phal lo, a nei fate chuanin lei hnuai lamah In dang an siam mai a ni, tui a tam avangin a hautak hle an ti a. Tin, Chandigarh-ah chuan sawrkar building tih loh chu chhawng khat bak an phallo reng reng a, chutiang chuan In an rem fel thlip thlep a, sawrkar building tih loh chu. Keini erawhchu, a nei nelin an sa sang mai a, a neilote chu boruak tha leh ni eng pawh dawng tha lovin kan awm tan a ni. Chuvang chuan he thil hi ngaih pawimawh hmasak zawk tur a ni dawn lawm ni? he resolution hi kan pass dawn a nih chuan engtia zeh tel tur nge ni ang tih ka ngaihtuah a. Mi in in an sa a nih chuan a san lam kan control a ngain ka hria a, chuti a nih loh chuan hmun laili deuhvah pawh hmun lo nei ve mah ila boruak tha leh ni eng tha kan hmu ve phak dawn lo tibna a ni. Tin, chumi bakah chuan kan ram pekte hi a hmanna tur ang taka hmang lote hi kan then loh chuan thenawm khawveng tan an hnawksak ta hle mai a. Industry kan han tan ve duh duhnaah khawl lian pui pui bengchheng tak tak kan bun ve chawt chawt mai te hi thenawm khawveng tan damloh nikhuaah ri bengchheng siantu a ni a. Mahsela, mi hausa zawkte an ni a, mi rethel zawkten han khin theih a ni lova. Chuvangin, heng thil vantlang tana hnawksak hmasa hi kan ngaihtuah hmasa thei lo a ni pawhin he resolution-ah hian zeh dan emaw, resolution atanga dan tenau deuh emaw la thun tel theih nise a thain ka hria.

PU C.CHAWNGKUNGA :
DEPUTY SPEAKER

Pu Speaker, hetah hian han hriatchian ka duh chu, kan rama ram then danah hian Rural area, Restricted area leh Urban area ti khan kan then a. Tabchuan Town area hian a kawkin ni a ka hriatchian deuh chu Urban area hmun hi a kawkin ka hria a, a dik mai thei a. Hemi Town area, Urban area kan tih chhungah hian Forest Department te hian thenkhatah chuan Plantation te an nei tlat a ni, Town area chhungah sawrkar pawhin Plantation te an nei niin a lang a. Tin, restricted area kan tihah hian ramri chiang kuang lo tamtak a awm mai a, a ramri awm si lovin hmun thenkhat chu Restricted area-ah kan puang a ni, hei hi tihfel hmasak phawt nisela. Tin, pass reng reng hemi Urban area-a mi emaw Restricted area chhunga mi hi a hmasain endik hmasak nisela. Hemi chhungah hian tunmaa Bawrsap hun laia pass tam tak a awm a ni, chungte chu- chumi hmunah a duh ang tiat tiat huan a siam thei ang tih a ni ringawt mai a. Khang kha an duh ang zat zat an siam kha an ram a ni mai a, chuvang chuan a hmasaa hemi Town area kan tih dawn hian a Town area emaw Restricted area chhung emaw kha a boundary chiang kuang takin ti ila, He dan hi chumi hmaa hman a nih dawn pawhin sawrkarin plantation a neihte hi cancel hmasak phawt thain ka hria a, chumi hnuah mimal. Chuti a nih loh chuan Chaltlang Bawngkawn hnuaiyah pawh sawn khawpui chhunga puan siah Forest Department te hian Plantation te an nei a, chu chu in leh lo nei lote tan harsatna tamtak a siam niin ka hria a. Tin, a tlangpui thuah he resolution hi a tha a, a thu leh a tumte hi. Amaherawhchu, sawrkarin official-in resolution chiang kuang tak-in rawn siam sela, private-in a rawn tih pawh a tha tho na a, mumal tak, Dan tan chhana kan tih hi a tha awm mange aw ka ti a, ka ngaihdan ka han sawi ve a ni e.

PU C. VULLUJIA : Pu Speaker, hemi chhungkaw tinin ram bithliah thu hi tha kan ti tlang theuh niin a lang a, ram chang nilo, boruak nen lama bithliah a tul a ni tih a lo lang zawka. Hemi resolution hi tha kan tih chuan kan pass mai tur a ni a, a chipchiar chu expert kan nei a, Revenue Department ten Lal hla dapin an rawn phuah chhuak dawn a ni a. Keini chuan kan duh kan sawi mai tur a ni a, hemi resolution puluttu hian chipchiar taka heta a sawi hi a ba reng reng lova, Urban emaw Rural emaw Restricted emaw chu chutah chuan an rawn tifel tur zawk chu a ni ngai a. Kan tih loh tur nakina kan tihtur kha kan thliar thiam a tulin ka ring a. Hei hi tha kan tih chuan pass chawm mai ila, a tahtawl kha a lo kal anga, mi pakhat tan 100ft an ti dawn nge 200ft an ti dawn tih kha chu hetiang lam ti thin miten an hriat hmel a ni. Chu chu kan la ngaihtuah tur ah ka ngai a. Vawina kan resolution puluttuin han hrihfiyah se tih pawh kha a tul lovah ka ngai deuhva. Tin, vantlang ngaihdan la ila tih kha a fing hlein a lang na a, ngaihdan pahnih chiah a awm thei a, Ram zau tak nei in a tul lo an ti anga, ram nei miah lovin a tul lutuk kan ti anga, chu ringawt chu a ni, a eng chu nge kan lak tak ang. Chuvangin, he a ram pum mihring awmdan phunga tul kan tihna eng atang kha tul kan tih chuan kan pass mai dawn lawm ni? Engpawhnise, thil thar deuh nihna chu a awm deuh tlat mai niin a langa, kan rilruah hian a, thar deuhva, han sawi tak tak kha chuan a tul a ni kan ti vek mai a. Kan zingah hian ram zau deuh mai nei awm ni ta ila, a tul lo a ni tih pawh a harsa tawh hialin ka ring a. Engpawhnise, chutianga thil tul pawh chu ni se hemi a kal hmang tur leh kan tihdan tur zawka kha keimahn kan la Chiang lo deuh a nih pawhin han chhui leh deuh member banberin an tih kha chu ka hnial pheih chu a ni hauh lova. Kan ram khawpuiyah mi thenkhatten an inpek theih lain in 4,5,6 te an inpe tak meuh meuh va. Thenkhatten kan nei der lova, a neite kan itsik vang ni hauh lovin a neilote kan khawngaih vang zawkin mihring theuh intluk theuh kan nihna kha ram neih chinte hi bituk nise, ram dangte ang bawkin, sem sem dam dam tih rilru pua he rawna hi lo lut a ni tih a ngaihtuah theiha, tha hlein ka hria.

SPEAKER : Awle, tunah chuan Education Minister in han sawi sela, chumi zawhah Minister-in-charge-in a sawi leh nga, vote lak ngai niin ka hria a, ngaihdan a inang lo deuhva.

*PU F. MALSAWMA : Pu Speaker, hetia han sawi atang kha beng-varna zau zawk a awm thar zela. A tira khatia han support tluar tluara vote thei mai tur anga lang kha thilzau zawk deuh a lang a, hun tam zawk hawn leh pawh a tha awm mang e tih ngaihtuahna ka nei a. Kan Deputy Speaker thu han sawi kha ka thlawp a, hemi Aizawl khawpui chhunga plantation thu kha. Tin, Khawhai Constituency bialtuin a han sawi, thingtlang lam thlengin a huap niin ka hria a. A vang chu thenkhat chu thuneihna hmangin khawi laiah emaw Leilet hmun hnih hmun thumah a nei thei a ni, zau tak tak hmun dangah a neih theih a. Aizawl-ah pawh pahnih pathum a neih theih bawka ni. Chutichuan, mi malin ram a neih tur chin thingtlang thlenga kan ngaihtuah loh chuan Pu Nehru-an a lo sawi fo thin, Socialistic Pattern of Society a tih ang chi kha tihpuitlin tak tak hi awm thei dawn lo a niin a lang a, kan inthlau zung mai anga, class system Mizoram-ah kan la tichhuak mai anga, rethei leh awm thei, neih lama inthlau kara awm thuai mai ang a. Entirnan- Aizawl-a mi pakhatin khawilalah emaw Leilet mlin an han bawh deuh haknaah chuan thuneitu lamah a lo awm si a, officer emaw Minister emaw MLA pawh a lo ni thei ang, khawilalah emaw Leilet a nei a,

* - Speech not corrected.

khawilal mi bawh haknaah a lo nei leh a, khawilalah emaw huan tha deuh a nei leh a, Aizawl-ah a nei teuh bawh a. Khatiang ang Khan-in nichina Member zahawm tak takten an sawi ang Khan thenkhatin ram hmangaih tur an nei loh lai Khan chutiang chu a awm thei tlat a ni. Chuvangin, zau deuh hlek ngaihtuahna neiha he House hian kan ngaihtuah tlan a pawimawh viauvin ka hria, chu chu ka'n tarlang ve zawk duh a ni.

*BRIG. THENPHUNGA SAILO: Pu Speaker, A pawimawh em avangin han CHIEF MINISTER sawi ve ka duha, he thil hi. Tuna an sawi na eng atanga kan tih mai tur nia ka hriat chu he thil hi tikhawtlai chi a ni lova tuna pass pawh ni lovin tih tur tantak a la awm mai a, tih thuai thuai kan duh hi a chiang khawpin ka hre mai a. Ministry hmasa-ah pawh an lo ti tawh a, tin, an pass lohna chhan pawh public opinion nghahna mai pawh a ni deuhvin ka ringa, chu pawh chu a tha a.

Tuna Sairang member-in a sawi ang Khan he thil hi chu a chiang khawp mai a, public opinion chungchangah pawh hian. Ram nei zau deuh chuan an phur vak lo vang tih chu a hriatchian mai a, neilo chuan an nghakhlei ngawih ngawih ang tih chu a hriat theih mai a, a nei lo ngawih ngawih hi kan tam ber zawk a, chu chuan kan hre chiang leh zawk tur a ni ang a. A principle tal hi chuan pass thei mah ila, tin, pass thei mah ila detail work out tur chu a tam khawp mai a. Session lek peka ngaihtuah tur pawh a awm ngei ngei ang. A chhan chu Land Ceiling Act Khanin huan vek turin ram pumpui Khanin Bill sian a ngai dawna, Town Area leh Thingtlang te thlang Khanin, comprehensive tak kha chu buatsaih.. a ngai dawna, Tlungvel MLA rawn sawi Air Ceiling pawh kha a relevant khawp mai, comprehensive Bill kan sian dawn tak tak chuan khang pawh kha lek tel a ngai viau ang. Kan sawi tawh ang Khan khawpui tam takah chhawngkhat emaw chhawng hnih emaw regulation chu a awm vek reng a ni a. Thenawnte tana hnawksakzia chu hei aizawl-ah te lek phoi chuanin, a, Shilling, hemi Northeast-ah hianin Earthquake area a ni a, earthquake area a nih avang tak hianin a chhawngte pawh hi tuk chu a tul khawp mai a, a tul ngawih ngawih nghe nghe a, earthquake hi a thlang mai dawn tiin kan inbuatsaih viau nghe nghe a ni a. Hengte hi thil delay chi a ni lova, session hmasate Khan kan lo ti lova, paw ka ti viau mai a, kan buai vang a ni mai a. Tunah hei kan han ti thar leh ta a, hei hi chu a principle chuan pass mai ila thain ka ring thar leh zual ta a, tunah hianin, kan sawina eng atang Khanin. Amaherawhchu a detail hi chu work out tur chu a tam khawp ang. Chutiang chuan ka han sawi belh ve duh a ni e.

SPEAKER : Hei hi sawi ho leh zel kan duh em? (Member: sawi ho leh chu a tha ang). Anih leh sawi ho leh zel duh chuan ban i phar ang u. (Member ten ban an phar a). Awle, a pawimawh em avangin i sawi ho leh ang u. Tunah Pu J.Thankunga'n han sawi leh sela.

*PU J.THANKUNGA: Pu Speaker, nichina kan rawn sawi ang Khan a thu ai hian a figure a pawimawh a. Hetah hian figure pakhat mah a awm lova, thu ringawt a ni a, chuvangin, pass ngaihna a awm tlat lo a ni. Chuvangin, a thu ringawt pass hi kei chuan ka duh lo reng reng a. Ram ka nei zau tihna a ni lova, ka nei lo reng reng a, amaherawhchu hetia blind ringawt a pass hi Assembly zahawmna a phur lo reng reng a, pass tur kan nih chuan mi malin Bigha chuti zat chu a nei tur a ni tih fol fek fawka awm loh chuan heti ngawt a pass chu a thain ka hre lo tlat a ni, loophole a tam lutuk a. Nakinah hemia kan pass hi

* - Speech not corrected.

Department in a figure hi rawn work out ta sela, assembly-ah rawn pharh ta sela, kan phar thla leh mai thei a ni. Chuvangin, a tul hmasa zawk kha helala a thu mawi tak ai hian a figure kha a ni tlat a ni.

SPEAKER : Awle, tunge sawi leh duh dang in awm em?

*PU JOE NGURDAWLA: Pu Speaker, hemi thil hi thil pawimawh tak mai a ni a, thil tha a ni a. Amaherawhchu, thil tha pawh hi kan tihdan thil la puitling lo leh mi idea leh public idea leh keimahni ngeiah pawh hei ngaihtuahna a kal a ni mai a. A spirit chu a tha a, amaherawhchu, tuna Member zahawm tak rawn sawi ang khan thil simple deuh mai a ni a, a pawimawh ber lai chu a figure chiah chiah tak tak kha a ni. Chumi a nih loh chuan mimal ram nei zau deuh pawh hian ram chin chu an nei a ni, an nei vek a ni. Ram neih chin bithliah ah chuan ramri nei thliah chu an ni veka. Amaherawhchu, chuliah chuan a pawimawh zawk ta chu engchin hi nge neih phal ang tih a figure chiah kha a ni a, chumi a nih loh chuan mimal ram neih chin hi Department in chuan ta ila, Department in an nei vek a ni. Chuvang chuan a pawimawh ber chu he House-ah pawh eng ang chiah hi nge family khatin emaw individual-in emaw a neih hi awm ang, kan ram zau zawng lai kan population ang hian khalai in proportion tak kha ngaihtuah a ngai ta a. Chuvang chuan tuna a spirit chu kan rilruah a awm reng a ni, tu rilruah pawh a awm reng a ni. Bithliah nei lova, Communal Land kan tih ang kha chu kan sawi tawh ang khan abo tawh. Communal Land tak tak a nih lai kha chuan sawrkarin mi ram a record loh lai kha a ni a, tunah chuan khang kha chu a ni tawh lo va, mi hian ram neih chin an nei a. Chuvang chuan Member zahawm takten kan ngaihtuahna pawimawh ber chu tun boruak hi chu a la hma lutuk ti mai ila, kan resolution likal dan atang hi chuan. Hei ai hian tih leh hunah pawh thil harsa pawha nilo, Department lam tan pawh, hei hi lo chhui sela. Public population kan in proportion tawh atang hian kan ram zau dan Urban area engzat nge ni a, Rural area engzat nge Restricted area engzat nge ni, chuliah chuan proportion awm tawh takin, amaherawhchu generation lokal zel chu hisap lutuk hleih theih pawh a ni lo anga. Tuna kan awmlai pawh khatiang figure khan insem dawn ila family tin kha, theih loh angte pawhin a tih mai theih a. Hei hi finkhur takin ti ila a thain ka hria a, tun tumah hi chuan pass lo ila, a spirit hi chu kan pawm vek niin a hria a. Hetiang zulzui hian Department in tan lo la mai sela a dikin ka hria.

*PU LALTHANZAUVA : Pu Speaker, Member tam takin an sawi tawh a, hemi spitir hrim hrim hi chu kan duh tlang viau niin a langa. Tunah khan Member thenkhaten nakinah chip-chiar zawkin ngaihtuah leh nise, tah chuanin a hranin pass ila a rawn tih kha a awm viauvin ka hria a. Khangte khanin amahni ngeiin thil an chhuiin nakinah chuanin hemi thilah hian contribution tha tak takte an la rawn nei thein ka ringa, chutah chuan lungrual takin kan pass mai zawk anga, tun tumah hi chuan i dah tha rih mai zawk ang u tih ka rawn rawt ve a ni.

*PU J.H.ROTHUAMA: Pu Speaker, tuna kan resolution hi a pawimawh zia chu a lang viauvin ka hria a tin, ka hma a Member zahawm tak takte khan a vague e anti a, kei chu vague ka ti hlek lo mai a. Hemi Resolution rawn puluttu hian a duh chu a rawn tarlang chiang khawp mai a, fixation of land ceiling a ni mai a. Chumi a detail work out turin keini hi kan thu a ni lova, kan duh kha vawin niah hian sawi turin kan awm a ni zawk-

* - Speech not corrected.

Tin, hemi Land Ceiling kan neih a pawimawhzia chu tuna kan neih a hi tihtur a ni lova, neih tawhsa atanga tihtur ni loin la neih zel turte atanga tihtur a ni. Tunah Garden Colony te kan ti a, thingtlangah kan introduced a, chu chuan ram an nei a. Tin, thingtlangah miin huan pass an rawn dil zel a, a thei pa chuan ram thalajah zau puippui an invalh mai dawn a. Chutiang chu vawin atang a venna kan dah loh chuanin nakinah kan ram kan harh hunah chuanin zu nek tur leh nawr tur an tam dawn a ni, an tam tawh tawh dawn a. Chuvangin, vawin niah hian hei hi kan pass a tulin ka hria a. Khami chhungkaw tinin an neih tur, a kima a changa rawn buatsaih tur chu Department kan nei a, Tin, chu chauh ni lovin Minister hovin Committee hrang hrang kan nei a, consultative Committee-ah te pawh an rawn thial thei a, chu chu bill-in emaw a lo kal lehin a fixation tak tak kha chu uluk takin ka la thlir anga, a tul kha chu amend theih tho a ni. Chuvangin, enga tingge hemi Land ceiling hi vawin niah hian pass mai kan duh loh? a spirit chu a tha kan ti theuh bawk si a, chu chu tumahin kan hnial lova. Amaherawhchu, kan zuk hnial tumna laiah khan a technical work out lova helala zuk beih vak mai hi a dik lovange kan ti a, chu chu kei chu ka ngaihdan a ni lova. Tha kan tih chu Assembly chuan kan pass mai tur a ni.

*PU HIPHEI : Pu Speaker, he resolution hi kan pass tur niin ka hria a. A chhan chu, a detail zawka pass duhtute pawh khanin kan duh ang pawh khan hun lo inpe leh pawh ni ila, keini ho hi chuan detail tak takin kan tih theih ka ring lova. Tin, hei hi Bill a ni lova, Resolution a ni a, he House-in tha a tih ang kha kan pass anga. A nihna dik tak leh kan hmandan tur kha chu Department in emaw mi thiamten an ngaihtuah turah ka ngai a. Chuvangin, Ruling lam member thenkhatin dah that tura an tih kha tuna pass chiah ka ngai a. Pu Speaker, khawngaih takin Hard and Fast Rule chu awm lo mahse, mi tih dan deuh hlek a awm avangin, chu chu a relevant lo ni lovin. Hetiang resolution te chu Ruling Party-in an Parliamentary meeting-ah an ngaihtuah ho anga, pass tur leh pass loh tur chin chuan lo relthlu tawh tur a ni a. Chu chu keini erawh chuan kan sawisel leh sawisel lohtur kha kan ngaihtuah turah ka ngai a. Hei anmahni pawh an inkalh a, tin, chumi bakah member-ten thu kan han sawi phawt anga, treasury bench chair-in a ko anga, an sawi ve anga, Leader of the House in ngaihdan a sawi tawh hnuah Ruling MLA ten Chief Minister ngaihdan kalh kalh a sawi pawh hi dan lo a ni chu kan ti ngam lo anga, mi tihdan chu a ni lo a ni.

Chuvangin, kan Minister te lah hianin naupang awm hle hle thei lo ang mai, kan thusawi laia rawn inrawlh ve talh hi an tum mai a, state dangah an ti ve ngai lo. Minister-te chu nunnem tura ngaih an ni, Member dang ang an ni ve lo. Tuna chinah hetiang lo deuhva kal dan te pawh hi zir ve tawh ila a tha ang, Pu Speaker.

PU C.VULLUAIA: Pu Speaker, he rorelna In hi mipuite rorelna In a nih ang ngeiin eptu lam zahna leh an thu leh hla ngaih channa In ropui tak a ni a. Ruling Party ten lo relfel diam hnuh hnawk hnuh hnawk leh an sawi ve pawh engamaha ngai lo tur anga rorelna In kalpui lo tur Ministry a nih vawin-ah eptu lam pang hotu dawttuin a rawn sawi a. Chutiang chuan kan kal zel dawn niin ka ring nghe nghe a. Vawina kan thu bik hi mi thiam zawkten an sawi kan ngaihtlak zui zel hian vawina kan han pass mai hian naktuk, naktipah a taka chantir mai tur a ni awzawng lo mai tih a lo chiang a. Hna harte, a Department lam pawn hna fe a kum dawn lai an thlekpuin dawn a ni tih han hriat khan Assembly leh thlaruk leh daih han nghah kha a rei hle a ni

* - Speech not corrected.

tih ka chhar thar ve tlat mai a. Chuvang chuan a detail work-out turte pawhin thla 3 thla 6, kum khat dawn lai pawh a ni thei dawn a. Chuvangin, vawinah hian kan pass tur a ni tih uar takin ka'n sawi duh a ni. Hei hi chu kan duha kha resolution puluttuin fel takin a rawn sawi langa, duhna kha tilang ila, a thawktuten a ramzau tur lam kha chu an la rawn ruatfel anga, hetah hianin Bill form-in hetah hian kan la sawi leh anga. Hun rei tak kan ngaihtuah dawn tawh avangin chiang takin hetah hian kan sawi thei tawh anga. Hei hi kan pass tulin ka hria a ni.

*PU SAIKATHIANGA : Pu Speaker, vawina kan thu ngaihtuah hi thil pawimawh tak mai a ni a, kan hriat theuh angin kan ram neihdante a inthlau em em mai. Chuvangin, he resolution hi ka rawn thlawp a. Private Resolution a nih avangin vawina kan pass mai hian Dan-ah a chang mai dawn lova, Department lamin an rawn tih hunah Bill form-a kan la pass leh a ngai dawn a. Mipui tana thil pawimawh tak a nih avangin a nih ang ang hian pass phawt mai ila, chutah chuan xa detail chu Act-in emaw. Bill form-in emaw a lokal leh anga. Kan chhawr hma theihna tur anih avangin pass mai ka rawn rawt ve e.

PU L. PIANDENGA : Pu Speaker, he Resolution hi a pawimawh vlaw mai a, sawi tam vak ngai lovin kan hre theuh tawh a. Member zahawm tak takten an sawi tawh bawk a. Amaherawhchu, helai kalpui danah khan ngaihdan eng engemaw inkalh dawn dawn te pawh awm angin a langa. Amaherawhchu, hemi chungchang hi kan duh theuh niin ka hria a. Amaherawhchu, tih tak taka han tih dawn khan a figure awm lova han pass mai chu a fel dawn em ni aw tih ngaihdan kha a awm a. A principle-ah hi chuan tuna a tih anga Town area mai ni lo, Thingtlang lamah te pawh ram pumkhupa he Dan kalpui dan hi mumal deuh hleka a Department a figure kha rawn work out kha thil pawimawh tak kha a ni reng a. Amaherawhchu, khani kha keinin kan pass phawt atanga ti tur ni khan a langa. Chuvangin, he thil hi a pawimawh em avangin leh tunhmaa thil kal tawh tantakte kan zuk thlirin mi-mal thil hian hmasawna tantak a dal nia kan hriat bawk si avangin vawin niah hian he thil hi kan pass phawt chu kan tihmakmawh niin ka hria a. Amaherawhchu, kan pass hnuah chuan a figure chu a zau dan leh a zim thuah te chuan nakinah he House-ah bawk hian pharh a la nih leh dawn avangin kan la sawi ho leh thei tho alawm tih chu ka ngaih ve dan a ni e.

*PU C.L.RUALA : Pu Speaker, he House hian kan duhdan kan lantir dawn chauh a ni a, hei hi kan Ruling lam kha an inhrilh chiang lo deuhva, a thenin chipchiar zawka sawi a tul niin an hria a ani mai a. He resolution puluttuin a put luh chhan ngaihdan chiang ta hle a chu, mi thenkhatin ram zawng zawng i ta ni se tia ram zau deuh mai neih an tum hi a tha love, thenkhatin kan nei si lova, tih a ni a. Chumi puih nan chuan boruak zawng zawng i ta nise tia chang thlante pawh an awm tan a, inchhawng sang lutuk sate pawh kan awm tan a. Bula nei ve lote chu Lir a lo nghing thut a nga, kan in delh sawp vek ang tiin kan rum kan rum tan a ni tawh si a. Chungte pawh chu ngaihtuah tel nise tih kan han sawi tel a ni a. Mahsela, vawina kan ngaihdan hi Resolution-a kan han dah hianin khang kha nakina an rawn sian that hunah a la fun mai dawn niin ka hria a. Chuvangin pass tawh mai ila a tha mai lawm ni tih ka han sawi ve duh a ni e.

- Speech not corrected.

*PU BIAKCHHUNGA : Pu Speaker, ngaihdan thlur hnih a awm a ni mai a. Ka rawn sawi ve duh chu sei tak pawh a ni lova. Tuna kan sawi kha chu kan thu pass tur hian a huan chuangin ka hre lo. Kan resolution han thlir hian Town area tih chauh a ni a, tin, lei lam chauh a ni bawka, Air ceiling a tel lova, tin, Town area lo a tel bawka lova. Kan sawi reng rengah khan ram pum huap a ni si a, vawinah hian pass dawn ila kan sawi kha he resolution hian a huap si lova, pass loh rih a thain ka hria.

*PU H.RAMMAWI : Pu Speaker, he resolution tum danah hi chuan Member te kan lungrual tlang viauvin ka hria a. A tum hi a tha love ti kan awm lova, a lawmawm viaua, kei pawhin tha ka ti viauva. Amaherawhchu, vawina pass tum thuah kan ngaihdan a in ang lova, ruling lam pawh kha, kan ngaihdan a kak ve nual a, chutiang bawkin Opposition lamte pawh an lo inhrilh Chiang lo emaw ni an ngaihdan a kak ve viauva, vawin niah hian kan inang tlang rengin ka hria. Chuvang chuanin C.M. sawi dan a nih avang ngawta 'aw' vek tur pawh a ni chuang lova, Ruling nih vanga C.M. thusawi a nih avanga thlawp vek tur a ni chuang lova, thlawp loh tur ka tihna a ni chuang lo bawka. Question hour-ah phei chuan C.M. pawh hi duh tawkin kan bauh ve thova, chung chu Dan ang a ni thova. Ruling lam kan ngaihdan a ni emaw ni lo emaw kan rawn sawi ho zel anga. Session masah pawh opposition lam atang khanin Mizoram Police Service sian chungchang Resolution a l: kal a, tha kan ti tlang dial a, kan pass mai a. Chuvangin, he resolution pawh hi a idea chu tha kan ti veka, amaherawhchu vawin nia pass leh pass loh chungchangah hian ka ngaihdan tlem han sawi ve ka duh a.

Thil Chiang lo anga Member thenkhatin an han sawi kha kei chuan Chiang tawka hlein ka hria a, a thuah hian, a rawn tih dan hi. Tunah a hnuia Business No.4-na pawh hi kan han sawi ho mah anga. Hmana kan resolution Mizoram Police Service din ni rawhse kan han ti a, lungrual takin kan pass mai a, a blawh zat, junior scale-ah senior scale-ah chutiang zat ni rawhse engmah tih kan nei lova. Tin, a Police tur kha chumi khami ni rawhse tih kan nei lova, a Police Service kan din a ni mai dawn a ni. Hetah pawh hian Fixation of Land Ceiling hi Mizoram-ah din ni rawhse tih kan han pass mai dawn a. Chuvangin pass lam pawh kha a tha zawk mah mahin a langa, hei hianin thiltih chian loh a nei dawn lova, hei hianin In hmun pass chuti zat nei rawhse tih kan pass sise dawn lova. Chuvangin, he thu hi a Chiang tawka. Amaherawhchu, ngaihdan dang awm leh thei chu, tuna pass kher lo hianin session lehah Bill-in emaw sawrkar lam atangin rawn ti sela. A nih loh leh Chiang zawk deuhvin ngaihdan fel zawkin member bawka hian rawn pu dut leh sela a tih leh theih a. Tha kan ti rau rau a nih chuan vawin nia pass pawh hi tha ka ti thova, nghah leh pawh tha ka ti thova, a pahnih hnihin tha ka ti a nih chu.

*PU K.BIAKCHHUNGNUNGA : Pu Speaker, vawin nia kan thusawiah thil Chiang tak kan han hmuh theih mai chu a tha kan ti tlang theuh a ni a. Vawina pass a nih leh session lehah pass a nihnaah hian buaina tur a awmin ka hre lova, a tha kan tihna hi a lawmawm phawt mai a ni. Member zahawm tak tak thenkhatin hei hi kan han tawh vawikhatna a ni bawka, a Chiang e han ti thin mah ila, a Chiang love ti pawlta kan han awm thei ta a. Engpawhnise, a Chiang e titute pawh kha an dik tho anga, a Chiang love titute pawh an awm miau avangin a Chiang lo chu a ni lo thei ta lova, a thu kha Chiang mah sela. Chuvang

* - Speech not corrected.

chuan a thu tak tak pawh a chiang lo pawh ehu a ni mai thei reng bawka. Engpawh chu nise, he thuah hian kan buaina a awmin ka hre lova, thil mumal zawk leh uluk zawka han thlir leh te pawh chu member zahawm tak takten vawlinah i ti ang hmiang an tihte pawh kha an hniaalna chuang pawh ka hre lova. Chuvang chuan he thil hi chu uluk zawk deuh hleka han thlir leh pawh nisela, session leh chuhun hla tak pawh a ni lem lova, session lehah khan kimchang tak leh uluk zawkin, tin, mipui lamah pawh lo in buatsaih ve pawh hi thil tul tak a ni ve a. Dik tak chuan run lmaa thil awm tawh zawng zawng avangin intlansiakna ang hrina ngai te pawh an lo awm ve tawh pawh a ni mai thei a. Sawrkarin mipuite tana kan that tlan zawk nana a thil ruahman hi lo awm tur a nih kan hriat hnuah hi chuan engemaw chen hi chu rorel a kan pass hma pawhin mipui lam hian lo insiam thatnate pawh an lo nei thei ve bawka. Vawlin niah hian he thu kan pass duh ngei a ni tih kan sawi lanna hi tawka sela, mumal zawka engkim ruahman a nih hnuah thla 4 thla 5 emaw a ni maia, a kar a hla chuang lova. Kan ram kal siamna tur hemi thu kan pass thuah hian chhiatna leh thatnate tak tak pawh min thlenin ka ring chuang lo bawka, a tih danglam leh te alo tul phei chuan kum emaw kum ala rei pawh a vei mai thei a. Chuvangin, hei hi pass mai ila a tha lawm ni tih ka han rawt ve a ni e.

PU P.LALUPA : Pu Speaker, hei Democracy kan hmangzai tlang viauva, ngaihdan Ruling lamah pawh a inang vek lova, helam (Opposition)-ah pawh ngaihdan a inang turahmin phut deuh a ni awma, mahse, a inang miah lo a nia. He resolution reng reng hi kan member lam atanga lo chhuak pawh a ni chiah lova, kan inrawn lova. Tun tumah hian pass a tha lemin ka hre lova, a tha lemlo pawlah ka rawn tang dawn a ni. A chhan chu kan han sawi kan han sawi eng atang khan kan C.M. pawh khan a rawn sawi tawha, thil tul leh mamawh a nihna a rawn sawi lang viauva. A tulzia ringawt kha kan han kalpui kan han kalpui khan a kim tawka lohzia he resolution-ah hian a lang chiang em em mai a. Thenkhatin a boruak lampang ceiling kan han sawi lang tela, huam zaudeuh turin. Tin, thenkhatin thingtlang lam thlengin ni nghal se kan han ti a. Chuvangin, he thu a tha kan tihna leh vawlin niah hian he House zahawm takah leh zoram mipuia hian hriattirin awm sela. Tichuan, mumal zawk taka siam a nih hunah pass ila a tha zawk awm mange aw ka ti deuh a ni. Ka lawm e.

***PU S.VADYU :** Pu Speaker, hemi resolution chungchang hi kan sawi rei tawka ta viauva, tin, kan ngaihdante pawh a chiang tawka ta viauva, kan duh tlanga ni. Amaherawhchu, kan duh dan a inchen lova, thenkhatin air ceiling te Rural area land ceiling te a tel loh thute kan lo ngaithla a. Chutah chuan tuna kan resolution hi tha kan tih chuan pass phawt ila, tichuan, thut khawm leh hunah chungte pawh chu rawn zep telin emaw tin, Department-in heta kan sawi hona a kan duhthusam, kan duh ve a ni, tuna kan resolution chauh hi a tawka lo a ni tih kan sawi hona eng atangin Department-in enggemaw cheneh a inruahman thei thovin a inruahman duhin ka ring a. Chungte chu tih leh hunah a Bill zawngin emaw a detail deuhvin Department-in rawn pulut mai sela. Chutichuan hemi House-ah hian kan sawi ho leh anga, tha tawka kan tih lohva, tih-danglam leh ngai kan tih chuan a resolution hmasa tihdanglam leh nan thla 4 thla 5 dang kan nghah leh chuan a Bill lo lut leh hun chu nghak mai ila a thain ka ring a. Chuvang chuanin kokim deuh hlekin sawrkar hian rawn chhut ngun deuh sela. Resolution form kim chang deuh hlekin huam zaudeuh hlek zawkin tih leh hunah official resolution-in rawn pulut sela, tichuan, a lehlam lehlam pawh kan zavain kan rihuk main ka ring a. Chu chu tun tumah chuan tih rih loh ni se, pass rih loh tih ka rawn support a ni.

* - Speech not corrected.

...16/-

*PU BUALHRANGA : Pu Speaker, hei kan sawi rei ta viauva, he kan duhtak hi comprehensive deuhva sawrkarin Bill a rawn introduce chuanin vawlin a he resolution hi kan pass a tulna a awm lem lova. Kha kha hemi changtu Department Minister khan rawn sawi chiang deuh hlek sela, Memberte ngaih dan chu hemi subject-ah hian kan sawi lang vek tawh a. Kha kha Bill-a a lo kal dawn chuan kha resolution kha lo pass lailawk pawh a tul hrampa lem lova. Bill-a a lokal chuan chu chu, chutah chuan mi pakhat ram neih zau dan chungchang te, a zau lutuk, a zau lutuk love tih hemi House Member tam zawkte ngaih dan kha a figure te pawh fix a ni anga. Chuvang chuan he resolution hi kan pass dawn leh dawn loh chungchang thuaah he Department hian Land ceiling chungchang thuaah hian inbuatsaihna te an nei em, introduce te an tum em? Chutiang tumte an nih chuan heng hi tul hrampa pawh niin ke hre lo ka ti.

SPEAKER : Awle, kan sawi tam tawh ta viau va, tunah chuan Minister concern kan ko anga, chumi zawhah resolution neitu kan ko leh ang.

*PU LALHMINGTHANGA: Pu Speaker, Member hrang hrangte ngaih dan
MINISTER kan hria a, a lawmawp hlein ka hria. Amaherawhchu, hemi Urban area kan ti mai anga, hemi a kan dinmun hi vawi hnih vawi thum betah hian ka sawi tawh a. Mahse, kan discussion atang hian a pawimawh lai zawk chu Member-in kan la man lo tlang niin a hriat theih a. Chuvangin, serious attention tak tak han inpek a pawimawhin ka hria a, member-te ka han ngen duh a. Hetiang hian han sawi ta ila. Tuna kan Dan neih lalah pawh hian ceiling ang chu a awm a ni mai a. Mizoram-a hemi ram kan neih dan hi chi hniha then a ni a, pakhat chu Agriculture land a ni a, pakhat leh chu House site a ni a, chumi chi hnih category chu a awm a. Agriculture land hi a dan tlangpuiin thingtlang lam panga awm a ni. Tin, Town Area kan tihah phei hi chuan Agriculture Land phei hi chu Dan dinglai anga pek theih loh a ni daih tawh a. Tin, House site kan tih hi Town Area leh Restricted area kan tih mai khatah kha House site hi a awm ve thunga. Tichuan, District Council Land & Revenue Rule 1967 chuan tunah pawh hian Khawpui chungah chuanin Bigha 10 aia tam House site-ah a phal lo a ni, a ceiling chu a awmsa ang a ni a. Tin, Agriculture Land Rule Section 12-na 1971 chuanin Bigha 30 bak kha a phal chiah lo a ni. Hemi ceiling ang titih a siam ve ve hi hemi Rule 2-in a siam hi a han exceed theih dan chu Administrator-in permission a pek chuanin a kal khum thei a. Amaherawhchu, kha kha a tlangpuiin kan sawrkarin Business a Conduct danah chuanin Administrator-in a khumtirna lai a tam lem lo a ni. Chutiang chuanin Dan dinglai kan nei a.

Tin, tunah hianin Dan thar tur Bill buatsaih mek a ni a, hemi hi buatsaih puitlin a nih chuanin tuna kan sawi hi a repeal vek dawn a ni. Mahse Law Department-ah exam leh te a ngai a, khami procedure pangngai kha zawm a tul avangin duh angin Department lam pawh kan kal chak vak thei lova. Chung atg dinglai piah lamah chuan engnge kan mamawh ta tih House-in a discuss kha a pawimawh ta a. Tin, tuna kan dinmun hi kan hriat chian viau a ngai a. Mizawl-ah leh Lunglei-ah leh Champhai-ah leh Kolasib-ah leh Demagiri heng ho House site Land Holding kan kan introduced tawhnaah te hian kan dinmunah mipui kan chiang lova, eng situation chiah nge kan face tih. Chu chu hetiang hian han sawifiah ta mai mai ila, Hmanah pawh kha ka sawi tawh a. Lalpuitlangah khaan ding ta ila, han hawi vang vang ila, Mizawl leh a chhehval zawng zawng hi mita in a khat vek tawh hlawn a ni.

* - Speech not corrected.

Sairang lamah zuk hawi ila, Sairang thleng a ni mai a, chhaklamah Tuirial thleng, belamah (chhim lam) Mel 8 thleng, Silchar kawng lamah Neihbawh, chu chu vawlin nia kan dinhmun a ni ta a. kha kha mimal ram hrang hrang a ni.

Tin, Member thenkhat zahawm tak takten an rawn sawi ang khan tunah hian U.T. kan nih hnuah hian State angin kan lo function ta a, 1972 atang khan. Tin, Development chi hrang hrang ram a lo keng chho zel a, hemi a process hrim hrim ram than chhoh zelnaah hianin Urbanisation hi a duh emaw duh lo emaw a keng tel tlat reng reng a, hei hi khawvel pumpuia thil dik a a ni a. Chutah Urbanisation process kha 1948 - 1972 inkara a Total amount kha la ta ang ila, 1972 atanga vawlin 1980 inkara a increase hi a let 10 deuh thawin a chak tlat a ni, kha kha tuna kan ramina kan tawh chu a ni a, a keng chho zel dawn a ni. Chuti lo nita se Aizawl khawpui emaw Lunglei dinhmun emaw chu eng dinhmunah nge a din tak kan tih chuan tunah Absentee Land Low Grip hnualah mipuite in awm ta a, kan awm ta tih hi kan hriat chian a ngai ta a ni. Entirely House site application hi tunma kha chuan Minister-in direct-in a receive mai thin a, Minister-in a dawhkan atangin a pe mai thin ang deuh a ni a. Amaherawhchu, tunah hei Ruling Party Ministry a lo din tak hnuah hi chuan chutianga tih chu a Democratic tawh lova hriatna te pawh a lo awm a. Tin, President's Rule chhunga Board system an lo tih kha han thlak chiah a fel tawh lova hriatna te pawh a lo awm a. Engpawh-nise, hetiang mimal kuta a awm hi a tha tawh lova, Board kuta a awm hi a tha tawh viauve kan ti a, tunah Board hian a ngai h-tuah a ni a. Aizawl D.C. hian Board sitting a kova, House site ditute chu urbanisation process kha a kal chak tak em avang hian hetii lala in mamawh ngawih ngawih/ a thente phei chu khawpui zar zova LDA emaw Peon hna lo thawh emaw khatiang lo lut thar, tin, a then chu sumdawng, Pan zuar emaw Dawrkar thar emaw contract ti thar emaw, a nih loh leh lungchher emaw thinglam thiam hna Carpenter emaw khatiang ho khan nasa takin tunah hian an rawn dil ta a, an right dik tak a ni, a chuang a liam an dil a ni lo. Chutichuan, Board-in a first sitting-ah chuan application 672 an hmaah an chhawp a, chumi application tling khawm atanga an han en chuanin a hmun an dil an han en kha chuanin a hmun 320 vel hmun dil a ni, a inthuah teuh tihna a ni. Amaherawhchu, hmun 320 an dilte kha pek tur ang tak taka an han tih kha chu 32 an re-commend thei a, chutianga dinhmunah chuan Aizawl khawpui hi a ding a, a mangan thlak tih a chiang viau a ni. Mi thenkhatin engati- nge Minister-in a pek loh an han ti thina, Minister tan pawh pek tur a awm tawh chuang lo. Board-in ngunthluk taka an thlir, app- lication 772 an consider tak kha a tlingkhawm hmun 10 a thena hmun khat pawh a ni lo reng reng a ni. Chuvang chuanin Aizawl khawpui hianin mihringin an rawn pian chhuah phat atanga an mamawh em em thil pathum zinga pakhat clothing and shelter kan tih teivet thin kha chaw leh saruak zahawh khuhna tur thawmhnaw leh ni sa leh ruahsur hnuah himna tur shelter in khami nei thei lo kha mihring tam tak a sian ta a ni.

Chutah chuan sawrkar dinglai chuan engge a tih pawimawh tak kan tih chuan a Land ceiling zuk tuk ngawt ngawt kha a pawimawh bakah kha khan retrospective effect nei thei a tuna thil kal dik tawh lo hi a chhuilet leh thei a pawimawh ta a ni. Chumi a nih loh chuan tuk ringawt mah ila saturated point-ah khan kan awm tho tho va, kan mi tanpui duhte kha pakhat mah kan tanpui thei dawn chuang reng renglo a ni. Tichuan, hemi kan ram pumpui Town area leh a chheh vel reng reng tunah pawh hian Town area extension turin hei Department lam chuan a buatsaih mek a. Han extend leh teh reng pawh nita ila mita kha tam leh lutuk tawh a. Chumi thiah lehna hna chu sawrkarin kan thawh ngam lo emaw House-in kan hrechiang si lova thil kan ti a nih chuanin Land ceiling kha a pawimawh em em a; pawimawh dan chi hnih a nei ta a.

Chumi zuk thiat leh khawpa kha kha zuk tih a nih loh kha chuan kan mi chhanchhuah tur te kha kan chhanchhuak tak tak dawn chuang lova. Amaherawhchu, Generation thar atan erawh chuan tlem chuan a ziaawm deuh pawh a ni mai thei. Chutiang thlang chuan he House-ah hian tum hnih chiang tak takin ka sawi tawh a ni. Absentee Land Lord even-in thil a khawih fel loh zia, hre lo hian chutiangah chuan kan lut a ni tih kha. Amaherawhchu, vawin ni a kan thukhawmin heng thu kan han sawinaah te pawh kan problem dik tak leh kan matan, kan lu natna kha a I. Head-ache zawk kha kan locate lo zawkin ka hre deuhva, kan discussion atang khan.

Tin, Member zahawm takin he thil a rawn put lut pawh hi sawrkar pawhin tha kan ti a. A chhan chu khatiang a zau taka thil han sawi hona tur a rawn thlen theihna tur khan, tunah kan sawi ho ta reng a ni a, hei hi a pawimawh em em a ni. Amaherawhchu, chutiang vawina kan mamawhna ang kan han thir khan vawina kan resolution wording pawh hi a la famkim lo ta deuhva. Chuvangin, he resolution pawh hi a mover, member zahawm tak pawh hi ka ngen duh a. Land Ceiling fixation introduce tur kan accept a, heti zawng hian sawrkar hian tan lo la se tiin House hian kan pass thei a nih chuan kan Session hmasa leh berah chuan Mover te nen pawh a Department lam leh sawrkar lam pawh inberawmin Exhaustive Resolution huap famkim tak kha kan tichho tlang thei anga. Tin, thil lawmawm tak nia ka hriat chu vawin niah hian a spirit leh a principle-a hi he House-ah hian tumahin an object reng reng lo a ni. Chuvangin, hei tunah Bill kal lai mek pawh process lai mek pawh Land Department-ah a awm ka tih kha. Khatah khanin kan duh dan a nih a lan dantlangpui chuanin Agriculture Land-ah te pawh khan mumal zawka House-in a duh niawmin a lang thei a, kan discussion atang khanin. Chutiang chuan kaltlang pui thei ila, tah khanin opinion pahnih lokal pawh kha a tawn tawn requirement kha e fun ta ve ve a, chu chu House-ah kan kal dan turah ka lo ngai a ni.

Tin, thil tangkai tak tak member-ten an rawn sawi chhuaka. Tlungvel bial M.L.A.-in Air Ceiling a rawn tih kha, Land Ceiling nen a kalkawp thei awm tak a ni a. Air chu Revenue a ni ve lo a ni, chuvangin, Revenue Bill-ah a kal ve th ei dawn tlat lo a ni. Amaherawhchu, ram danga an tih ang bawkin ramdangah Air Ceiling an tih leh tih loh pheih chu ka hre chiah lova, mahse, kan House Leader-in a rawn sawi ang earthquake zawn mite kan ni a, hei tunah pawh earthquake preparedness Committee kan buatsaih tlut tlut a, North-east-ah chuan. Tunhngai sun sunah a tih theih loh a nih pawhin nakinah Municipal Board emaw Municipal Administrator te appoint a nih huah chuanin khati ho subject tur kha a ni dawn a, housing regulation thilah. Entirnan - India ram khawpui hrang hranga an tih dan chu, Municipal Norms an han sian a, khami khanin a san lam te a sanitary fitting lam te a take-care vek a, tin, a beautification chung chang phuah hianin Earths Committee tih ang te kha an siama, a san dan te a maw dan te khatiang In sak dan te kha an ti thin a, Building regulation thilah kang kha chu a kal thei ang a. A tha love ka tihna a ni hauh lova, tih ngei ngei, tih makmawh thil a ni. A dik a dik chuan kei kan khawpui hi ka hlauthawng thin a, Sairang kawng atangin han kal chho ila, han hawi chho ila, hetilai Assam Rifles zawn pheih zawng zawng te hi Sairang kawng atanga inphun chho a ni a, foundation hi a nei mumal lo hle a ni. Chuvang chuan tun anga kan kal zel chuan tun atanga kum 10-ah chuanin minute 3 lirnghingah pawh Mizawl-ah pawh

disaster lianpui a tklen ngei a rinawm tlat a, chutiang hun chua thleng pah ang tih pawh a hlauhawm em em mai a. Hengah pawh hian thil tik tak taka tih a ngai a ni, muan loh a ngai a. Tunah miten Cement Concrete In an sa thin tih kan hria a, hmun thenkhata an sak dan ka hmu te phe chu a Ban tur kha leiah an han mut a, an han chung sa te te a, Ban kaw laih pangngai tein an lai a, an phun leh ta a; In rit tak tak te kha chumi chungah chuan kan sa leh ta a ni a. Heng pawh hi sawrkar pawhin ngunthluk deuhva kan en chu a ngai a ni. Hmana Manipur atanga Pu Ngurdingliana te lo kal khanin, Minister Khan ka hnenah hetiang hian a sawi a, "In ropui hi maw le, khampangah In tha pui pui, ropui tak tak in sa a, Imphal-ah te phe saw chuan awm ula Mizote hi in ropui dawn hi maw le, Sky Craper tak tak in din ang a", te an ti fiamthu a. Amaherawhchu, hei khampangah mahni lunglen zawng zawngin In kan sa a, a san lam emaw a foundation emaw, a sanitary fitting ho reng reng hi regulation fak tak hi a la awm lova, heng pawh hi tih makmawh a ni reng a ni.

SPEAKER : Awle, tunah chuan Resolution neitu kan ko tawh anga, han sawi ve leh sela.

PU ELLIS SAIDENGA : Pu Speaker, kan resolution chung chang thuah hei rei tak sawi hona kan nei ta a, Member zahawm tak tak ten an rawn sawi na atang Khan a pawimawhna a zual hle nghe nghe in ka hria a. Tin, kan thian thenkhat, Member zahawm tak takten thil hriat chiah loh an nei niin ka hria a. Ka resolution hi a Chiang Tawk-in ka hria a, ka putluh laia ka rilru awm dan tak chu, a pawimawh zia, Mizorama kan hman a pawimawh zia, hetilaila House-a lantir, tin, chumi bakah hemi hi kan hman ngei a tul zia tihlan ka duh bawk a. Tin, a Chiang viauvin ka hria a, Bill Ieh Resolution hi thur hnihin a ngaih theihin ka hria a. Resolution kan siam anga, kan pass anga, chumi hnuah Bill a lo chhuak anga, kan pass leh mai turah ka ngai a. Member thenkhatin a figure te rawn ziak chhuak tur anga an ngai kha a dik lovin ka hria, kha kha kan tiktur pawh ai lovin mi thiam zawkten Committee dina rawn siam fel turah ka ngai a ni.

Chuvangin, he thil hi Members tinten tha kan ti veka, hnial kan awm lova, chuvangin, a principle-a kan pass mai hi a tha lawm ni tih hi ka rawn sawi nawn leh a. Tin, heti lalah hian a huan zau tawk lo niin ka hria a, ka resolution-ah hian han tihdanglan ka duh a. Heti hian ti ta zawk ila: "This Assembly is of the opinion that fixation of Land Ceiling for all the families in the town areas ti lovin, in Mizoram should be introduced" ti ta ila. Hei hi kan Minister i/c rawn sawi atang pawh Khan a Chiang viauva, hei hi khawngaih takin min pass pui turin ka rawn ngen nawn leh a ni.

SPEAKER : Awle, resolution mover-in a resolution amendment tlem rawn siamin min pass pui thei em a rawh ti ta a. Chuvangin, vote kan lak mai loh chuanin sawi zel pawhin a ngai kha kan sawi zel dawn a ni mai a, chuvangin, tunah vote kan la mai ang a. Hemi a resolution a mover-in amendment tlem a rawn siam ang hian ka'n chhiar ang a. "This Assembly is of the opinion that fixation of Land Ceiling for all families

in Mizoram should be introduced" tih hi amendment a rawn tih nen hian kan pass pui thei em tih vote kan la dawn a ni. Sawina hun tam tak kan pe tawh che u a.

*PU J. THANKUNGA : Pu Speaker, amendment sian hun a ni tawh lova, a hunah chuan paper a lo lut tur a ni a, tuhah paper engmah kan la hmuh loh avangin amendment kan pawn thei lo a ni.

*PU S. VADYU : Pu Speaker, amendment kha kan pawn thei lo ang a. A chhan chu District Council area kha a huam vek mai dawn a, kha kha he Assembly a lo pass chu a theih loh ang a.

SPEAKER : Hetah hian a mover khan rawn sawi leh tur i nei em ?

*PU LALHMINGTHANGA, MINISTER : Pu Speaker, Saiha Member zahawm takin a rawn sawi kha valid point a ni a, kan Revenue Act ho hian Autonomous District ho hi a huam thei lo a ni.

SPEAKER : Resolution mover khanin rawn sawi leh la.

PU ELLIS SAIDENGA : Pu Speaker, chutia kan Dan-in amendment a remti lo a nih chuanin kha kha tawh mai sela, amendment lo hian a principle-in hmi a original ang hian pass ila tih ka rawn ngen nawn loh a ni.

*PU ZAIREMTHANGA, MINISTER : Pu Speaker, Minister-in-charge-in a rawn sawi ang khan helaiah hian Resolution hran pass lo mah ila, he thu hi sawi ho a ni tawh a, a tlang-puiin House ngaihdan ainruah khawp mai a, sawikarin a bawhzui tur ang khan dah mai ila a tha mai ang a !

PU ELLIS SAIDENGA : Pu Speaker, chu chu ka rilru tak chu a ni a, ka rawn sawi chhuak chiah lo na a, a principle ka tihkha kan Minister-in-charge-in thu a rawn sawi atanga ka hmuh chhuah, a principle-in-pass ila ti mai ila, kan discussion hi a tha tawh e tih kha ka rawn thlawp zawk a nia. Chuvangin, fel lohna a awmin ka hre lo ka ti.

*PU BUALHANGA : Pu Speaker, chutiang rawtna chu a tha viauvin ka hria a, chutiang chuan kal mai ila a tha ang.

*Speech not corrected.

SPEAKER : Awle, a nih leh hemi Resolution hi a word by word ni lovin a principle-in, Department lamin an lo chhuizui turin leh nakin lama la chhuizui turin pass remti zawngin ban i phar ang u.

*PU JOE NGURDAWLA: Pu Speaker, tuna i tih dan kha Resolution pass dan anga a ni lovang a. Resolution a nih chuan Resolution kan pass a, a thu pass lova, a principle pass ngawt kha chu House kal dan tur a ni lovang.

*PU ZAIREMTHANGA : Pu Speaker, hemi hi chu hnutchhiaah ni rawhse MINISTER tiin i kalsan mai ang.

SPEAKER: Amaherawhchu, hnutchhiaah ni rawhse ti kha in tamber leh tamber loh kan hriat loh chuan.

PU C.CHAWNGKUNGA: Pu Speaker, amendment siamna hun pawh a ni DEPUTY SPEAKER tawh lova, a mover khan hetiangka kan sawi tlan chuan a tha alawn ti niin ka hria a. Chuvang chuan kan remtih tlan chuan a resolution neitu khan a resolution hi withdraw rawn dilse a tha dawn lawm ni?

*PU JOE NGURDAWLA: Pu Speaker, Dy.Speaker, han sawi kha kawng khat a ni a, a kawng dang leh chu, a ni ang hian pass in ti anga, vote in la anga, pass a nih leh pass a ni anga, a tla leh a tla anga, chumi pahnih chauh chu a ni kawng awm tawh.

*PU HIPHEI : Pu Speaker, tunah khan vote i la tawh a, a nihna ang hian kan vote a ni lawm ni?

*PU JOE NGURDAWLA: Pu Speaker, a nihna ang hian a vote theih a, chuti a nih loh chuan a mover khan a withdraw theih a, chu ang chuan kal ila, a ni mai.

*SPEAKER : A nih leh tunah a mover-in House permission in hemi a resolution ang chiah hi chuan ka withdraw a, amaherawhchu, nakin hnu zelah pawh la ngaihtuah zui zel turin hemi hi withdraw a ti theih em? House permission chuan engkim kan ti theih ang.

PU ELLIS SAIDENGA: Pu Speaker, hemi Resolution ka rawn theihluh a ka rilrua awm reng chu, hemi a pawimawhzia zau zawka sawi ho hi pawimawh ka ti a. Chutianga pawimawh min tihpua sawrkarin a umzua hun engemaw tia pass leh theih a nih dawn chuan chu chu ka remti e.

*SPEAKER : A nih chu chu kan remti tlang em? (Members: Remti tlang e). Awle, he resolution hi nakina la ngaihtuah zel theih tur anga a mover-in a remtih avangin tunah chuan kan titawp ta a ni.

Tunah chuan Business NO. 3-ah kan kal anga, a mover Pu Joe Ngurdawla.

* - Speech not corrected

*PU JOE NGURDAWLA : Pu Speaker, ka resolution move-na hun min phalsak avangin ka lawm e. Ka resolution original-

"This Assembly resolves that the Legislative Assembly, Mizoram, be given full independence from the executive and financial Control". tih kha a hun takah amendment ka rawn siam a, tin, chumi ang chuan move min phalsaka. Amendment chu-

"This Assembly resolves that the Mizoram Legislative Assembly be given more power in the matter of executive and financial control", tih a ni a.

Financial leh Executive Control-ah hian hemi Mizoram Legislative Assembly hi more power, Power tam zawk pek ni sela tih a ni mai a. Lian pui pawh a ni lova, thil tha tak a ni mai a, hemi kan Assembly leh Establishment a ni mai a. Hetah hian zuk sawi thuk vakpawh ka tum lova, Pu Speaker, a chhan chu keimahni sawrkar leh sawrkar indenna lai leh enggemaw harsatna kan insiam e tih ang zawngte pawha ngaih theih ka tum dan ni si lo khan a ngaih theih dawn avangin hei hi pass mai turin ka rawn ngen mai dawn a. A pawimawh tak chu sawrkarah hian Legislative a awma, Executive a awma, Judiciary a awma, chulai chu enggemaw ti chen chu an independent loh chuan sawrkar kal dan hi Democracy tak hian a kal thei lova. Helai hian harsatna hrang hrang Service chungchangah te financial control-ah te hian a awma. Chungah chuan a nghawng chu member zahawm takte pawh min nghawng a. Chuvang chuan hemi hi sawi tam vak lovin Memberte pawhin in hre veka, a thu hi thumawlte a ni a, pass mai turin ka rawn ngen mai dawn a. (Resolution a chhiar leh a) A thu awmia chu Financial control leh Executive control-ah hian engemaw ti chen tuna thuneihna practical-a tihah hi chuan engemaw hrang hrang kha tawh a tam mai a. Chulai chu helai hi awlsam zawka helai Assembly-a kan thil sawi te pawh hi bawhzui chak zawk a nih theihna turin Committee te hnathawhte bawhzui zel tur khan helai a staff te promotion emaw appointment emaw leh thil hrang hrangah te leh tin, finance lam lo involve-na te pawh a lo awma. Chung hrang hrangah te leh chung aia lian zawk te pawh a lo awma, a theih chin chin a spirit chu a theih ang tawka tam tih a ni mai a.

Amaherawhchu, independent tak tak chu sawrkar awmdanah hian a theih loh tih chu a hriat a. Amaherawhchu, tuna kan kal dan hi chu kan thlawhbawk kal lek lek tawh a. State dangan independent ang chu kanla pha chuang hauh lo vang, amaherawhchu, engemaw ti chen chu hei hi a tih theih ang tih ringin ka han siam a. Member ten in rawn sawi anga, pass duh lo chuan an pass lo leh mai anga, more power pek a tul e ti chuan kan pass mai anga. Sawi chipchiar vak pawh a tulin ka hre lova, duh leh duh lovin hei titlu leh tawp ila a tha berin ka hria.

SPEAKER : Awle, hemi chungchangah hian sawi duh nei apiang i ko ang.

*PU HIPHEI : Pu Speaker, hei amended form kha kan nei ve lo tlat mai a, amah leh chair chauh khan a hria emaw a ni anga. Chuvangin, khami kha min sem theih chuan sawi hona kan hriat theih nan a tha dawn viauvin ka hria. Chutah chuan ka sawi nghal dawn a, min sem theih chuan.

* - Speech not corrected.

*PU JOE NGURDAWLA : Pu Speaker, a copy member tinte hnenah pek nise ka ti a, office-lamin memberte dawhkanah an dah vek in ka hria. Chu chu kan Member zahawm tak khan a chang lo a nih pawhin a mah mai pawh ni lovin a hmuh hmah pawh a ni mai thei a ni.

*PU HIPHEI : Opposition lam min pe lo a ni ang.

*PU JOE NGURDAWLA : Pu Speaker, chutianga tih pawh a ni lova, Opposition e 'tion love tih pawh a ni lova, Member zahawm tak khan ka hre sual a ni ti ringawt mai sela.

SPEAKER : Amended form an rawn sem dawn e, Pu Hiphei chuan han sawi sela.

*PU HIPHEI : Pu Speaker, hemi resolution a rawn pulut-tuin a han sawi ang khan a staff te control dan te promotion te a tihdianah khan hemi Legislative Assembly Secretariat staff te hi a ti niin a langa. Tuna a nihna ang tak hian lo pass dawn ta ila, ka zuk hrechiang lo nge ni. a legally chuan Mizoram Legislative Assembly kan tih hi chu tun kan thutkhawma hi a ni a, a thukhawma te chu Member te hi kan ni a. Chu chu more power kha keini leh keini kan inpe dawn em ni? Legislative Assembly kha pawisa thuah leh thildangah te hei tuna a landanah chuan Supreme Power nei a ni a, financially chuan central-a kan in nghah avangin min control a ni anga. A nihna ang taka pass tur hian resolution inziahdan hi a dik tawk em? a dik tawk a nih chuan ka hnial miah lova. Amaherawhchu Legislative Assembly hi power tam zawk pek nise tih a nih avangin Legislative Assembly nilo, helai Assembly Secretariat establishment hi a ni zawk tur a ni dawn lawm ni chu aw. Tin, keinin power tam zawk tun ala tam kan inpe thei em ni? Tuna thukhawma te hi Legislative Assembly chu kan ni a, MLA te hi Legislative Assembly member te kan ni si a. Chuvangin ka hriat dan hi a dik lo a nih chuan resolution neitu member zahawm tak leh a hriaten min lo hrihfiah sela, ka var mai ka ring a. Tin, tuna ka sawi hi a dik a nih chuan amendment siam loh chuan heti ringawta pass chi chu a niin ka hre lova. Chutichuan thu tam kan sawi hmah clarification a ngai hmasain ka hria.

*PU JOE NGURDAWLA : Pu Speaker, kan clarify ange. House tih leh Legislative tih hi a ngaih pawh tlat mai a, kan member khan. Hemi House hi a ni lova, Legislative Assembly kan tih chuan hemi establishment a pumpui hi a ni tih te chu a chang em em mai a, a herh kawi ve mai mai a ni, a zawttu hian.

SPEAKER : A rawn hrihfiah tawha, a chang thawkhaw tawh mai lawm ni?

*PU HIPHEI : Pu Speaker, a eng chu nge chiang? a herh kawi lui mai mai a ni a ti a, a eng lai chu nge herkawi a tih?

* - Speech not corrected.

SPEAKER : Parliament tihte hian Parliament Secretariat tih kher a ngai tawh lova. Chutiang bawh chuan Parliament a Secretariat a a thuneiha chu Parliament-in a keng mai a ni.

*PU HIPHEI : Pu Speaker, Parliament chu a rorelna kha a ni a, Legislative Assembly pawh rorelna a ni a, chu chu engtin nge power kan tih theik ang tih chu ka var lo a lawm.

PU K.LALSANGA : Pu Speaker, helalah hian MLA te power kan inpe thei dawn em ni a ti a, helalah hian MLA te tih a nih chuan Member a rawn ti tur a ni. Mahse, Member a ti tel lova, Legislative Assembly a tih avangin keini kha chu a rawn sawi tel tawh lo a ni.

*PU C.L.RUALA : Pu Speaker, kan resolution puluttu hi a chiang lo deuh niin a langa, chuvangin amendment a han siama, amendment a siamah pawh a la chiang chuang lo a ni. Legislative Assembly kan tih hi he Secretariat hi a ni lova, Legislative Assembly chu kan thukhawn mek a ni, he Secretariat hi a thukhawn lo reng reng. Chuvangin, amendment kan siam leh a nih loh chuan heti ngawta kan pass chuan mi nuihza kan siam ang tih ka hlau khawp mai. Mizoram Legislative Assembly chu pawisa chung chang thuah te executive inrel-bawh dan chungchangah te chutianga thuneiha sang zawk pek tur tih a ni a. Chuvangin, a ngaih pawh deuh niin a langa, ngaihtuah chiang leh zawk se a thain ka ring a, wawin niah hian Mizoram Legislative Assembly chu sitting kan nei a ni. Last day of sitting a kal mek a, Secretariat hian sitting a nei ve lo reng reng. Hei hi kan thliar chian loh chuan miin min nuihazat ang tih a hlauhawn viau a ni. Khulamah te state dangah te an lo hmu ve anga, an tihdan chu engtinge anmahni thuneiha inpek an tum nge an Secretariat lam pang zawk tih kha an ngaihtuah viau dawn a ni. Chuvangin, kan resolution puluttu hian ngaihtuah chiang leh deuh sela, amendment tul chu a hre main ka ring.

*PU S.VADYU : Pu Speaker, tuna thukhawn hi Assembly a ni a. A entirnan- Assembly an dissolve lai khan Assembly Secretariat chu a kal ngai rengin a kal a, establishment a kal renga, kha kha Assembly a kal reng an ti ngai lova. Chuvangin, kan resolution puluttu khan a ngaihai palh a niin ka ringa, chuvangin chiang zawk deuhva ngaihtuaha helala House zahawm tak zahawmna tinep zawng emaw a kan kal palh loh nan thil chiang zawk rawna siam thei se a thain ka hria.

PU ELLIS SAIDENGA: Pu Speaker, kan opposition lam pang rawn sawi dan kha a dik ang reng viauva. Assembly Secretariat tih hi Typing mistake a ni lo maw? a ni zawkin ka ring ka ti.

*PU SAIKAPHLIANGA: Pu Speaker, member zahawm tak rawn puluttu hian ka zawhna ka tihsual ang deuh khan a tihsual ve a ni ang a. Thil pawimawh deuh mai a ni a, a rawn tum hi. Secretariat tih hi chhut belh sak kan phal mai lawm ni? chumi a nih loh chuan hetia pass mai chu a fel lovang a. A tum hi chu a pawimawh em em si a.

* - Speech not corrected.

...25/-

*PI K.THANSIAMI : Pu Speaker, Legislative Assembly-ah hian Legislative Secretariat, Legislative Assembly Member kan inchhung khawm a ni mai lo maw?

*PU HIPHEI : Pu Speaker, inthlung khawm e. Amaherawhchu, Assembly chu dissolve theih a ni a, Secretariat leh staff te chu dissolve theih an nilo, chu chu a danglamna a ni. Keini ho hi chu Term nei kan ni a, chu chu power pek ni rawhse tih a ni a, a term neilo, tawp chin nei lo, khawvel awm chhunga awm tur a staff ho tan khan dilsak nisiin Legislative Assembly tih a ni sa a. Chutak chu a nia amendment siam ni se kan tih lain an herkawi a ni an ti hawk si, a ngaihna ka va han hre lo em?

*PU JOE NGURDAWLA: Pu Speaker, clarify a ngai viauvin ka hria a. Member thenkhat han sawi ang tawp kha chu a ni han lo mai a. Assembly hi dissolve a nih lai hian Legislative Assembly Speaker chu a ni tho a ni. Speaker kha a awm tho thin avangin a Secretariat pawh kha a zuk huan tih chu hetah hian a lang tho a ni. A nih leh dissolve a nih lain Legislative Assembly hi a awm lo em ni? a awm a ni. Legislative Assembly hemi a zuk tih hi chu Financial leh Executive control a zuk tih atang hianin a tum chu a hriat em em mai a. Chuvang chuan hemian hian confuse tur pawh a ni lova, ram dangin an lo hmuh atana zahthlak tur pawh a ni lova, kan sawi laia kha a power tur kha a ni mai a. Helai ah hian Speaker hova an office laia hi Legislative Assembly a ni tho a ni. Thil kan han sawi reng reng hian a Secretariat zuk tih a ni kher lo, a hming pum khan lam a ni mai a ni, power pek tur tih kha. Chuvang chuan Assembly a nih lai hian tunah pawh dissolve ni se kan Speaker ho hi chu an awm tho ang, Assembly a ni tho, thuneihna pawh a nei tho. Chuvang chuan khalai te te a zuk tlan pawh khan an rawn tanna kha a dik chuang lo. Pass kan duh a nih chuan pass mai ila, kan duh lo a nih chuan pass lo mai ila, a thua chuan a hriat theih.

*PU C.L.RUALA : Pu Speaker, for information, Assembly dissolved-in Speaker an kai zel tih kha Independent hmin vawi khat ve ve Speaker pah tel an ni tawh.

SPEAKER : Assembly hi an dissolve ngain ka hre lova kei chu, House an dissolve thin a ni.

*PU HIPHEI : Pu Speaker, Legislative Assembly chu dissolve a rawn ti chiang a lawm.

*PU J.THANKUNGA : Pu Speaker, dissolve leh dissolve loh thua chuan inhnial lem lo ila, helai a thu tumah hian lut ila, a fiah rangin ka ringa. Hei nichina kan han sawi thenkhat ah khan MLA kan han tih hian Member of Legislative Assembly tih a kaw mai a, kha kha emaw an titel tlat a ni, nichina sawi ho khan. Hei, hi chu Mizoram Legislative Assembly a ni, MLA hi awm lo mahse Mizoram Legislative Assembly Secretariat hi chu a ding tho down a, hengte power pek tam kan duhna a ni mai a, hemia a rawn move-na chhan pawh. Tunah te pawh power kan neih loh avangin engmah kan ti thei lo a ni mai a. MLA tep kan entitle ve Jeep te pawh hire tur kan rawn dil a.

* - Speech not corrected.

Speaker zahawm tak pawh, vawd tam tak kan dil hnuah vawin ni thleng hian pakhat mah min pe thei lova, ka hian kan vak kan vak ringawt mai a nih hi. Chungah te chuan power kan nei lo a ni ringawt a ni. Budget te pawh Assembly Secretariat hian an han sian ve bawka, Finance lam hian an duh ang ang hian an lo twist kual leh mai mai a, hengte pawh hi a zahthlak a ni. India ram State hrang hrang rengah Assembly Secretariat finance hi chuti main an khawih che ngai lo a ni. Chuvangin, hei Mizoram kal dan hi Finance Department hian thuber emaw an inti tlat mai a, thil zawng zawngah hian. Chuvangin, Finance lamin an bugtsaih pawh hi pass duh lo ila chuan a hlawn ve reng thei tho a ni. Chuvangin, helalah hian poweran neih tlem avangin Secretariat staff te pawhin harsatna tam tak an tawka, MLA te pawhin tam tak kan tawka. More power kan ti a, a that dan tak phei chuan amended form lo khan Independent ni hial sela duh ang angin tel mai ila a tha tur a ni a. Amaherawhchu kha kha la harsa deuh an tih chuan kan la ngaidan dawn nge pawh ka hre lova, a sian hmasak ang rawta pass mai pawh kha thil tul ang reng tak pawh a ni a. Khati lo chuan kan Assembly Secretariat hian hna hi an thawh thei reng reng lova, hren behin an awma, Jeep pawh dil belh se an pe lova, pawisa te pawh dil belh sela harsatna indanna hlinn a khat a. Chuvangin, Assembly Committee reng reng hian engmah rorelna hi a kengkawh thei lova. Chuvangin, more power pawh ti ila, an lo twist kual leh dawn a nih phei chuan Independent hian hian ti rawt ila, han innawr tak tak ila kan thak thakin thak mai ila tih pawh hi chakawm tak mai a ni. Amaherawhchu, sawi vak lovin helai hi a that dan zawk nia hriat avangin Mover pawhin an rawn change leh a. Hetiang hian pass mai ila a tha lo a nih chuan session leh hunah a aia na deuh pawh hian kan pass leh mai anga, chutiang chuan pass mai ila. Helala thudik leh dik loh, House an dissolve emaw dissolve lo em tih kha chu kan ram leh hnam, Member-te hian kan mamawh tehchiam loh avangin sawi hnawk mai mai kha hei hun a rei tawh a, rilte pawh a tam tawh a. Pass kan duh chuan a duh zawngin pass mai ila, a duh lo chuan pass lo mai ila.

*PU S.VADYU : Pu Speaker, Assembly member tih leh Legislative Assembly leh Secretariat tih hi kan ngaih pawh mai mai a ni zawk lo maw? Hei hi a hrang theuh a ni, Assembly hi Assembly Member an awm loh chuan Assembly a awm lo a ni mai, Member tel lovin Assembly a awm thei lo. Chuvangin, Assembly tih leh Assembly Secretariat tih chu a hrang a ni. Assembly hi financial power Mizoramah chuan Supreme power nei a ni a, Assembly-in Budget a pass loh chuan pawisa a hman theih loh a ni. Executive lamin Assembly Secretariat chu an control lutuk a nih chuan, chu chu thuneihna sang zawk an pek ve a, Assembly Secretariat chu an pek ve chu tha kanti a, keini pawhin kan phut a ni.

*PU JOE NGURDAWLA: Pu Speaker, a tawp nan, hetiang hian vote mai ila a tha mai anga, Hei hi a chiang a ni, chutiang chuan min phalsak mai teh a.

SPEAKER : Awle, hemi Assembly tih chungchangah chuan kan understanding chiang a ni lawm ni?

* - Speech not corrected.

...27/-

*PU C.L.RUALA : Pu Speaker, chiang ti a kan kalpui mai kha chu a tha lovin ka hria a. Tuna Ratu bial alawhtuin a han sawi atang khan Secretariat chu a hrang nalh a ni tih chu a hriat theih a ni. Assembly Secretariat hi erawh chu Finance Department-in an lo control viau a ni tih erawh chu a lang ta a ni, Assembly erawh chu min control tih a lang miah lo. Hemi Assembly hi Finance Department-in min control lo tih chu a chiang a ni, kan Secretariat erawh chu an lo control tih chu a chiang bawka, kan Secretariat chu an control theih lohna turin thuneihna sang zawk kan pek chu a dik a ni. Kan thusawina reng reng a chiang lo tih chu a langa, thu chiang lo niala dah chu kan resolution hi a chiang lo a ni. Kan resolution hi thu pakhat han belh maia chiang thei fankim ve mai thei a ni. Member te zahawm leh zahawm loh chu kan Ministry-in an tih thiam dan ~~da~~ a ni mai a, kan Ministry-in an ngaih pawimawh thiam deuh chuan kan pawimawh ve a ni mai a, min ngaih pawimawh loh chuan kan pawimawh lo a ni mai a, hmannia kan sawi ang khan. Mizoram House-ah te pawh kan lal lo a ni, kan leng lo a ni, Chief Minister vengtu tur CRP an lo kal chuan chhuak rawh u an ti mai a ni. Chutiang khawp chuan kan lal lo a ni. He Assembly hi Member ten kan siam a nih avangin a zahawm thei dawn lo a ni. Assembly Secretariat thuneihna sang zawk pek ni turin resolution hi siam nise a tha ang.

*PU K.BIAKCHUNGNUNGA: Pu Speaker, kan Opposition member zahawm tak tak ten an rawn sawiah khanin eng eraw chenh thil tha an duhna chu a ni ngei anga. Amaherawhchu, thildang an sawi tel zel kan ngaihtuahna hian pawimawh lo nia an inhriatna hianin a tipawimawh lo zo niin ka hria a. Chuvengin, pawimawh an nihzia te hi inhre ve phawt mai sela. Tin, he Assembly-ah hian Secretariat saw a thuneihna lam financial power pek tur a nih pawh kha a chiang em em a, kan hrang tak tak lo a nih zia chu Ratu bial MLA-in a rawn sawi ang khan Jeep kan mamawh thu leh eng engah emaw pawh khan kan telve zel chu a ni mai a. Pawn lama India rama miten engatinge power tam zawk inpek an tum chu le an tih chuan rawn zawt ve mai ang hmiang. Chu chu engnge ni kan tih chuan hnathawktute harsatna zawng zawng leh keimahni ngei kan telna pawh kha a awm tlat a ni, heng Secretariat a hnathawktute nen hien indah hran vu theih a ni lo a ni. Pum khat vek kan ni a, Secretariat a mite hian a kengkawh veka, harsatna an neih laia chu miin an hre lo a nih chuan zawt fiah ve mai sela, kan lo hrihfiah ve mai tur a ni a. Chu chu engnge ni kan tih chuan hemi Secretariat a hnathawktute leh kan Speaker pawhin ngun taka a ngaihtuah a hemi kan Secretariat-a a pumpui atan pawh engnge harsatna awm reng reng tih kha a en tur a ni a. Chunga a enna kawngah chuan harsa lo deuh zawka a awm theihna tura pawisa lante pawh engnge tihdan tur ni ang tia a han ngaihtuahnaah khan harsatna tam tak an lo tawka a ni tih kha a hriat theih a. Chung angah chuan tuna Resolution zahawm tak ang hian he House hian kan pass pui mai hi a tha zawka. A awnzia tak pawh chu kan hre-chiang tawh a, a thu hrim hrim keimahni MLA te ngei pawhin a an thiltih tur tha taka an tih zel a benefit kan lo chhawrve turte a awnzil si avangin a thu kha tha kan tih chuan pass mai ila. Tha lo kan tih chuan heti lai hi a tha love ti a kheuh kheuh tak chuanin sawi pawr tur tam tak a awm zel a. Chuvengin oppo-ssition member zahawm takte pawh ka ngen duh a, a thu kha a chiang tawka. Chuvengin heti laia Assembly Secretariat pawh a ni anga, keimahni ngei pawh a ni anga, tua pawh nise power tam zawk ken neihna laia kha a chiang em em a. Chu chu tha kan ti a nih chuan kaltlang mai ila, a hmaa thu tenau mai maiah kha chuan buai lo mai ila, a tha zawkin ka hria.

* - Speech not corrected.

*SPEAKER : Awle, tunah chuan kan chiang tawh lawm ni? a mover-in a rawn putluh ang khan kan pass thei tawh mai dawn lawm ni? Ka'n chhiar anga, "This Assembly resolves that the Mizoram Legislative Assembly be given more power in the matter of executive and financial control". Tunah khatiang khan pass duh zawngin ban pharin "Yes" i ti ang u. A duh lo lamin "No" (Member te an ngawia) Awle, kan duh tlang niin a lang a, chuvangin, kan resolution Pu Joe Ngurdawla rawn put lu h chu kan pass ta a ni.

Tin, nimin lamah khanin Cooperative Super Market lam chungchang zawhna kha Secretariat lamte duh angin an lo la inpuahchah hman loh avangin Minister i/c khan a chhang hman lova, tunah a chhanna Member te hnenah ziak rawn sem a ni ang, (an sem a).

Tin, chumi an sem rual chuan kan Item No.4-ah kan kal leh anga, Pu B.Lalchungnunga'n a resolution rawn move rawh se.

*PU B.LALCHUNGNUNGA: Mr.Speaker, Sir, I vbeg to move the motion as follow-

"This Assembly is of the opinion that Public Works Department Building Division be opened at Lunglei in Lunglei District" tih a ni a.

Pu Speaker, hei kum hnih khat chhung mai pawhin ram hmasawna hmuh theihin a langa. Keini Lunglei lama awnte pawhin he kan sawrkar tharah hian hmasawna ropui tak kan hmu a, Department tinte a thang lian chho zel a, tunhmaa kan hriat ngai loh leh kan beisei phak loh thil thar tam tak kan hmu a ni, chuvangin, a lawmawn kan ti hle a. Agriculture Department-ah te, PWD-ah te, PHE-ah te leh Department dang tam takah hna tam zawk leh pawisa tam zawk kan hmuh avangin kan lawm hle a ni.

Chutiang chuan PWD-ah hian kan sawrkar hian pawisa tam zawkte min hai chhuah sak ta a. Tin, hnathawh tur tam zawkte min hai chhuah tam zawk avangin Building Division hi Lunglei hian kan mamawh niin kan hria a. Mizawl lamah te Division tam tak hi kan phut ni chuang lovin kan zuk thikna pawh ni chuang hek lovin hna tam zawk pawisa tam zawk min pek takah si hi chuan a thawktu tam zawk leh pawisa tam zawkte mamawh ni a inhriain, he resolution hi ka rawn pulut a ni a. Tunlai bawng han hmang ta ilangin, Presidents' Rule tih leh Vanawia tih hi lar em em mai a. Kan officer thenkhat an fiamthu thawhnaah chuan an Peon te an han tir a, hei Bora Babu hnenah he file hi va pe rawh, President's Rule hmain lo thleng leh ang che tih te an ching viauva, public lamah pawh sawn an thian nu te inkhawn hawng leh Committee tak pawh hi Presidents' Rule hmain lo thleng leh ang che tih an ching viauva. Chutiang deuh chuanin thil hmanhmawh tak tawh nia kan hriat avangin min hawn sak thuai se kan ti a. Chuvangin, he resolution hi he House zahawn tak hi min pass pui turin ka sawn nghal a. Tichuan, he thu hi a thuthang mai atang pawh hian min tihlim viau vin kan lawm tan viau niin kan hria a. Tunah chhim lama P.C.(B) te leh Congress te a tlem a tlem in tunah pawh hian an tuipui viau a ni. Chuvangin, he thil hi min pass pui a min pe a nih chuan P.C.(B) leh Congress pawhin a zar an zo dawn a, a ram pum pawhin kan hlimpui dawna. Chuvangin, min pass pui turin ka sawn che u a ni.

SPEAKER : Hemi Resolution chungchangah hian sawiduh nei kan awm em?

* - Speech not corrected.

*PU JOE NGURDAWLA : Pu Speaker, he thil hi thil tha a ni, pass mai ila a tha a ni.

SPEAKER : Minister-in-charge-in sawi duh a nei em?

*PU LALHMINGTHANGA: Pu Speaker, khani resolution pass khan fel lohna a nei lo anga, amaherawhchu, a ni leh thla erawh chu kan tuk thei lo anga. A rawn move-tu kha a hmanhmawh viauva, mahse, sawrkar hian thil chi hrang hrang kal hmang a nei ve a, a hnu a rei lo tea inthin let loh ni sela.

*PU J.THANKUNGA : Pu Speaker, pass tawp mai ila, hei dar khat (1 p.m.) rik hma hian zo ila, kan chawlh hun te pawh a thleng tawha, i pass tawp mai ang u.

*PU H.RAMMAWI : Pu Speaker, sawi sawi ngai lovin a move-tu kha a hmanhmawh bawka, memberte pawh sawina hun pe pe lovin pass mai ila a tha main ka hria ka ti.

*SPEAKER : Awle, he resolution- This Assembly is of the opinion that Public Works Department Building Division be opened at Lunglei in Lunglei District" tih hi heta resolution a rawn puluttu Pu B.Lalchungnunga'n a rawn put luh ang ang hian a pass duh zawngin ban pharin 'Yes' i ti ang u. (Member ten ban pharin 'Yes' an ti a). A thei lo lam an awm em? (Member-te an ngawia) An awm lova. Chuvangin, resolutions- "This Assembly is of the opinion that Public Works Department Building Division be opened at Lunglei in Lunglei District" tih chu kan pass a nih chu.

Awle, tunah next item-ah kan kal leh anga, Resolution puluttu Pu Ellis Saidenga kan ko ang.

PU ELLIS SAIDENGA: Pu Speaker, thil pawimawh tak move theihna hum min pek avangin ka lawm e.

"This Assembly is of the opinion that House Tax should be refixed on the bases of economic status and the nature of the buildings possessed by the Tax Payers as follows-

<u>Category</u>	<u>Nature of Building.</u>	<u>Tax to be paid</u>
I	Pucca Building - (i.e. R.C.C. Building)	Rs. 20/-
II	Semi Pucca Building - (Assam Type)	Rs. 10/-
III	Ordinary Mizo House -	Rs. 5/-

He thil hi tunhma atanga kan pi leh pu hun lai atanga tunthlenga kan la pek a ni a. Amaherawhchu, pawisa hlut dante kan thlirin, tunhma Perry Sap hun laia chhiah, House Tax Rs.2/- kan pek thin chu vawin niah Rs. 2/- tho a la ni a. A pawisa hlut dan han chhut phei chuan tun hma Rs.2/- kha tunah chuan Rs.200/- hu vel ni tawhin a lang a. Chuvangin, vawin niah hian Rs.2/- chauh mai han pek hi thil zahthlak lam mah mah a lo

* - Speech not corrected.

nih bakah kan Mizoram Revenue han thlir phei chuan hemi Tax tih-punna turah hian kan pawisa dinhmunah hma min sawn tir dawn niin a langa, chuvangin, kan mamawh em em a. Hemi Category hrang hrangin ka rawn then a, amaherawhchu, Category hrang hranga ka rawn then, Tax pek tura ka rawn tih hi a rawn hrilhfi ahna atan ka rawn ziak chhuak mai a ni a, a rate ka rawn siamah hian ka tang tlat lem lova, Memberte nena kan han sawia a tlu kna ang ang chu ka pawna. Member tinte ka resolution hi ngun taka discussion nei turin ka ngen a. Tin, heti laia refixed tih awzia hi ka sawi tawh ang chuanin ngaih loh lama ngaih chi pawh a ni lova, thenkhatin Tax an ti pung ani, P.C.Ministry chuan Tax an tipung an tih leh mai ka hluva. Amaherawhchu, a nihna tak hi Member tin ten hriain, ngun taka discuss a min pass pui ngei ka rawn dil a ni.

*SPEAKER : Awle, hemi Resolution chungchangah hian Member te sawi duh in awm em?

PU C.CHAWNGKUNGA: Pu Speaker, he Private resolution hi tha ka DEPUTY SPEAKER ti khawp mai a, kan ram hian chhiah eng emaw chu kan pek chu a ngai a ni. Tin, chhiah kan pek ho reng reng hi Mizorama chhiah kan pek hmasak ber a ni a, hemi chhiah kan pek tan hun leh tun hi han khaikhin chuan kan chhiah hi kan tih danglam chu a hun a ni. Entiran- Tu huat thu mah ni lo sela, Pu Hauva Building chhawng engngemaw zat nei leh Khawchhete a hmeithai pakhat in chhete nena chhiah inzatte hi a awzia a awm lo tlat a ni. Chuvang chuan hetiang a kan thliar a, inchhawng nei leh Assam type leh thingtlang in naran hetiang a kan thliar hi a hunin ka hria a. Chuvang chuan, he resolution hi han sawi chipchiar vak dawn mah ila engmah tak tak a thlen dawn chuangin ka hre lo a ni. A pek tur zat tangka erawh hi chu ngaihlan chu a hrang a ni mai thei a, hetiang a category a siam hi chu a hunin ka hria. Chuvang chuan he resolution rawn puluttu ina a tih ang hian pass pui mai ka rawn support a ni.

*PU B.LALCHUNGNUNGA : Pu Speaker, he resolution hi a tihawm hlein ka hria a. Tuna sawi hmasatu kan Dy.Speaker zahawm tak in a rawn sawi ang khanin In tha pui pui lian pui pui nei leh Mizo in pangngai hi a inang lo viau va, a then chu tha fu mahse, hmeithai in, ruahsur pawha tawm hulna pawh awm lo nena inang renga pek hi tha ka ti hauh lova. Category hrang thliah thliaha a then pawh hi awm ka ti a, ka support viau a ni. Amaherawhchu, Category III-na hi Mizo House, Ordinary tih a ni a, hemi Mizo in pangngai chengte mi baihvai tak tak, mi rethei tak tak an awm a ni tih kan hria a. Tuna an pek danah chuan Rs.2/- ni mah se, kum tawpa an khawma pe thei lo te pawh an awm a ni. Chuvang chuan chutiang mite chu khawih tel lo ila, In lian pui pui neite tan chuan kum khata Rs.20/- pek chu na ka ti lova, tin, amahni pawhin awmin an ring bawkin ka ringa. Tin, heng semi-pucca building neite pawhin kum khat pumpuia Rs. 10/- pek chu na an tiin ka ring lova, awm an ti vein ka ringa. Amaherawhchu, he thingtlang khuaa cheng mi rethei tak tak te hi chu awm ti pawh ni se Rs.5/- hi a neiha nei lo tak tak pawh awm theih a nih avangin a ngaiin kal sela. Hetiang a resolution neituin Category I&II a siam ang hi tha ka ti a, Category III hi chu tih danglam loh ni se ka ti a ni.

SPEAKER: Awle, kan thut hun darkar tur ang chu kan zo tawh a, amaherawhchu, Business dang kan nei tawh lova, chawma a zawh theih mai a nih avangin kan zo ngal law law anga.

* - Speech not corrected.

*PU H.RAMMAWI : Ka hmaah Member zahawm tak tak ten an sawi tawh a. He thil hi tunhmaa hman tawh tun thlengin kan la hmanga. Example kan pekte kha thil mak tak a ni a, Thingtlanga thlawhbawka in te takte, Bawkte i ti leh chhawng ang, 12ft leh 10ft nei leh helala Mizawl a inchhawng mawi tak tak neite nena tax inang reng pek chu a dik tawh lo tih kan hre Chiang a. Chuvang chuan he resolution move-tu pawh hian a rawn siam chhan niin ka ring a, lawmawm ka ti viau nghe nghe a. Amaherawhchu, a pathumna nichina ka rawn-saw ang, thingtlang a in chhete nei hmun kil khawra awnte chuan vawin ni thleng pawhin Rs.2/- pawh kha an la pe tha thei lova, chhiah khawntu te pawh an buai em em thin a ni. Chuvangin, category I&II hi chu tha ka ti a, III-na hi chu i pass tel rih lo ang u, member tinton category III-na hi chu i relax hram hram ang u.

*PI L.THANMAWII : Pu Speaker, ka hmaa sawitu te baw kha ka rawn thlawp dawn a. Hemi Category I & II hi chu a na lo a ni, hetiang lo awm thei te tan chuan Rs.10/-chu a na lo reng reng a ni. Amaherawhchu, hemi Ordinary Mizo House tih, Di leh dap ina la awnte hi chu mirethai tak mai an ni a. Chuvang chuan khawpui ah pawh hetiang mite hi chu nitina ei chawp zawnga inhlawh-fa te an ni a, thingtlangah pawh hetiang la awnte chu rethei lahzuah an ni a. Chuvang chuan III-na hi chu la ngaidam ila, a ngain Rs.2/- nise. Amaherawhchu, pucca building nei thei tawh tan chuan kum khata Rs.20/- han pek chu a na lo reng reng a ni, chutiang bawkin Assam type chu kum khata Rs.10/- chaw chu a na lo reng reng a ni. Kan namah hian Revenue kan neih loh teh lul nen, hetiang an lo pek hi chuan sawrkar tan pawh thil tha a nih bakah amahni pawh hian awm lo an tih a rinawm lo bawka. A rawn putluh ang hian pass ila, Category III-na erawh hi chu a panggal in kal-sela, a pawna a wam em ni tih ka rawn sawi duh a ni. Ka lawm e.

PU C.VULLUJIA : Pu Speaker, zirtiri bawl tih ang deuh mai kan ni a, nichin-khan "in the Town Area" tih kha kan drop thei miah lova, tunah Category III-na drop kan la sawi pawr leh deuh deuh mai a, ka la bo ta deuh deuh mai a, a kalphung hrim hrim mai kha ka la bo ta deuh deuh mai a ni. Chumi a Dan hrai chu bo ta pawh ni ila, a thu hrim hrim hi chu tha ka ti a, lei man tihpun hi a awm ka ti ve a, kawng tinreng chhut pawhin a awma, zoram hi tuam hlawn ngai kan dia. Vawin ang renga Central-a kan duh ang kan zuk dila min pek ang ngawt hi a theih dawn si lova, chulam hawi zawnga ke penna rabbi pakhat a ni pawhin a ngaih theih a. Hei pakhatna hi Cement Concrete in tha taka sak lo ni dawn ta se, pahnhna hi in tha tluang panggal Rs.10/- lo ni dawn ta sela, chutianga pathumna pah rawt theihna kil atang chuan a laiah hian a dang thun ve ka rawt duh a. In chhawng reng rengin leiman a nei vek tur a ni. Chhawng khatna Rs.20/- chhawng khatna kan tih Mizo tawngin Ground floor a ni a, a chhawng zel Rs.10/- zel chhawng 10 a nih chuan cheng sawm sawm ni mai se kha building kha, chhawng khatin Rs.10/- zel keng belh sela tih ka rawt duh a. A chhan chu Assam Type ang, a bang tile a chhuat thingphel sa hram thei ten Rs.10/- pe thei tura ngaih kan nih chuan In chhawng chu a tlangpui thuin Cement Concrete man to fe a ni a, khani awlam taka sa thei tan chuan Rs.10/- pek chu a theih hmel a ni, ka ti a. Chuvangin, Boruak lam pang kan control hmaa kan lo sak te hi kan control hnuah pawh nise a chhawng ang zel khan Rs.10/- zel tih nise tih lei man pe ve turin helalah hian zuk zeh ka duh a. A 3-na hi kan member zahawm tak ten thing-tlang lam harsatna an han sawi kha awm lo deuh angin lang mahse kan khawsak harsatna avangin Rs.2/- kha ala awm e an tih kha chu ka zuk thlawp ve the mai.

* - Speech not corrected.

*PU H.RAMMAWI : Pu Speaker, min ngaithim la, ka han sawi nawn leh lawk teh ang. Nichina member ten kan han sawi hlawn kha kan Danin a phal leh lo tlat mai a. Category III-na kha han omit ngawt ila a rem leh lo bawk si a, amendment ang kha a ni leh dawn bawk si a. Chutiang a nih chuan kan Dan 305-na kha hmangin kan Dan 128-na kha suspend mai la pass kan duh tlat chuan.

SPEAKER : Kha kha chu Huse consent-in kan tidanglam thei a ni, House-in consent in. A nih leh rawtna kha a lo lut leh ta a. Pu Vulluaia rawtna kha engtingge mi dangin in ngaih? Minister-in-charge-in sawi tur i nei em aw? hemi chungchangah hian.

*PU LALHMINGTHANGA: Pu Speaker, hei Member zahawm takin resolution a rawn putluh hi ram leh hnam tana thahnem ngaihna thila a rawn putluh a ni a. Tin, U.T. hi Mizoram ang te hi chu a bik takin kan mamawh ang te hi Central-in za a za hi pawisa hi min pe a ni deuh thaw a. U.T. theuh theuh pawh hi kan dinhmun a in ang lova, entirnan-Goa te ang khu chu revenue-ah source tam tak an nei a, Sangha te leh thil chi hrang hrang Oil te. Keini Mizoram erawh hi chu kum tina kan expenditure reny reny hi Central min tum sak a ni. Tin, anni pawhin min nawr vena thin chu na tham pawh ni chuang lovin, in rama pawisa lak luhna hrang hrang hi in ngaihtuah a pawimawh a ni min ti fo thin a.

Tin, a thu hrim hrimah khua leh tui nihnaah hian-in neitu chan kan chan ve dawn chuan thiltihve, va thawh ve hian neitu chan kan chang a ni a. Mizoram tak te pheih hi chhiahte kan pek tlem avang nge ni sawrkar expenditure-ah te hian a engamah tak tak hi ka ta ni va ti thama va pek luh kan neih loh vang hi em ni ang? A chang chuan kan rama kan chet hmang kan en chuan Pu Thanghuta fiamthu ang deuh a ni a, zoram chu thla 3 hnu lekah ka chhuahsan mai dawn alawm, Burma ramah ka pemsan dawn alawm, zoram chu duh duhin awm mai mai rawh se tiin Luidungah te hian tur te kan phul tlawrh tlawrh a ang viaua. Kan ramhnaite pawh hian dim an hlawh lo em em a. Chutiang thu zuk ngaihtuah chuan Member zahawm takin resolution a rawn putluh hi khua leh tui te thinlunga neitu nihna hetah hian ka tel ve alawm tihna thinlung takah pawh a teng mai thei a ni. Chuvangin, hei hi thil lawmawm tak mai tha tak mai a ni a. Tuna kan Tax lak dan a phalsak dan chu Rs. 2/- to Rs.10/- thlengin assestment tih theihna hi a awm a, amaherawhchu, hei hi chu chuti maia hman theih a ni lova. Chuvangin, member zahawm takin hemi a rawn putluh hi ram pumpui tan thil tha a ni. Tichuan, sawrkar vek hian hemi House Tax piah lama lak mek lai kan neih chu min Land Settlement Certificate-a a In area kha a convert chuan hetah hian assestment kha siama tah chuan heta member zahawm takin a rawn putluh aia tam hi an chaw a. Amaherawhchu, zoram pumpuia Land Settlement Certificate pek chhuah chu a nghaha han nghah chi a ni hauh lo mai a. Town area chhunga Revenue Organisation hi duh anga ala chak tawh loh avangin hmun sawma thena hmun khat pawh ni tin hian kan tihsak zo lo a ni a. Chutiangte han thliir chuan tuna resolution hi tihhlawhtlin ngei aten a tha hle a ni. Chutiang chu tuna kan dinhmun chu a ni mai a, a piah lam kha chu hemi House zahawm takin a reldan ang angah a inngat ang chu.

SPEAKER : Member Pu Vulluaia rawn sawi tel kha a tul lo tihna a awm nge member lam atangin?

* - Speech not corrected.

PU K. LALSANGA : Pu Speaker, kan member zahawm tak Pu C. Vulluaia rawn sawi kha a tha viauva. Amah-erawhchu, kan member dang han sawi ang khan thil inkaih hnawih thei a awm avangin hei hi chu a pathumna tel lo hian pass phawt mai ila, a tul a nih leh session lehah pawh kan la pass thei tho alawm mawle.

*SPEAKER : A nih leh Pu C. Vulluaia khan engnge comment a nei em? a neih loh chuan resolution neitu hian tlem tal rawn sawi belh leh tur a nei em?

PU ELLIS SAIDENGA : Pu Speaker, ka rawn sawinaah khan ka inhawng zau viau nghe nghe a. A figure pawh member te ngaihdan chu ka pawm ang ka ti a, a pathumna Rs.2/- an tih pawh kha ka pawm tho a ni. He ka resolution hi min phurpui hle a, a lawmawm ngawt mai.

*PU JOE NGURDAWLA: Pu Speaker, tuna a III-na hi kan hmah d'awn a ni a, Member zahawm tak khan hemi omit hi rawn dil sela, chu chu House-in kan pa-wmpui leh pawmpui ila, chu chu a procedure dik'tak a ni ang.

PU C. VULLUAIA : Pu Speaker, ka rawtna kha hnialtu an awm chuan an hnialna kha han sawi sela, ka tan tlat leh tlat loh ka la sawi ange.

*PU J. THANKUNGA : Pu Speaker, a chhawng zawnga Tax kan la dawn a nih chuan a buaithlak duh viau anga, In pakhat pawh kha an zawm leh mai thin anga, tihfel rual a nih a rinawm lo anga, In te hi vawi khatah a chhawng tur chin sak a ni vek lem lova, office lam tan pawh chinfel hleih theih a nih hmel loh viau mai a. Chuvangin, a chhawng lam pangah kha chuanin chhawng chuti zah chung lam a nih chuan chuti zat lak ni rawh se tih a nih loh chuan chhawng khat zela Rs. 10/- Rs.20/- emaw zel lak chu sawrkar office lam tan pawh hna tlin rual a ni lo anga, tin, thil buaithlak tak a ni bawka anga. Miin an lo nei ta a nih kha chuan an sak belh zel anga, chutah chuan hetah chhiah pawh an chawi tur zah a awm tho tawh bawka. Tin, chubakah Settlement-ah pawh chhiah pek reng a ni tho bawka. A chhawng zela pek tam zel mai kha chu thil nuhizat thlak tak pawh a ni anga, khawli ram state-ah mah a chhawng tam in an chawi tam, a chhawng zelah chhiah a lut a ni tih pawh kan la hre lem lo bawka. Chuvangin, kha kha chu kei ka rawn hniel a.

Tin, tuna a rawn tih ang chuan a hnuai ber Rs.5/- hi Rs.2/- a thlak a remtih chuan kei chuan ka remti e.

*PU JOE NGURDAWLA: Pu Speaker, helaiah hian thil sawi tul ta viauin ka hria a. Opposition te pawhin an sawi a. P.C. Parliamentary Committee kan nei ve a, kan ngaihtuah tlang lo pawh a ni thin lova. Amaherawhchu, a tihdan turte pawh chutiang chuan kan rel ve a. Amaherawhchu, helaiah hian free taka va tih chu eng emaw ti chenah a tha a. Amaherawhchu, hemiah hian sawi hrang tawh lo ila, kan ngaihtuah lawk ang hian kal ve fawh ila a tha viauvin ka ring ka ti. Chuti lo chu opposition Member rawn tih ang deuh khan mu leh mai nei lo te pawh kan ang ve lutuk thin a. Chuvang chuan kan kal dan tur anga kan sawi

ve tur a awm a, chung ang chuan kal ve tawh mai ila, a chuti lo chu hei a kenkawh tum tan chuan a hahthlak viau mai a. Hei hi sawi chiah a tha awm lo mange aw ka ti a, mahse, kan Parliametary te pawh a zahawm lo chho ve mai dawn a ka hriat avangin hei hi chu zah ve hram tawh ila, chutiang chuan kal ve tawh ila a thain ka hria.

PU K.LALSANGA : Pu Speaker, tuna ka hama rawn sawitu han sawi kha a dikna lai a awm a. Amaherawhchu, a hma lawka kan sawi Democracy a ni a, kan ngaih dan sawi a thiang a kan tih ang chiah khan kan kal a dik ber zawkin ka ring a. Member zahawm tak Pu C.Vulluaia khan sawisel phawt sela kala in admit dan tur kala sawi ang a ti a, a in admit tho ka ring a, hetiang hian han sawi ila.

Helai in chhawng sak danah hian a hnual ber han tih hian a buaithlak thei mai thei a. Hmundang phaiiah te chuan Ground floor lei atanga innghat mai a ni a, chuta tang chuan an chhut chho mai thei a. Keini hi chu lei atang hian chhawng tam fe a awm tlat mai a. Chuvangin, helai hian fix a har deuh mai thei a. Chuvangin, helai hi a fel chiah lo deuhva, helai hi siam that a thain ka ringa. Tin, in chhawng nei tam te chuan chhiah an pe thei em em ang tih kan ringa, sawkara lut tam pawh kan duh a. Amaherawhchu, mi hausaleh in chhawng nei tam na na na chuan chhiah dang an hausak man an chawi ve tho va, chulaiiah chuan it-sikah ka zuk dah lo cheu a, amaherawhchu, chulai chu kher teh-chiam lo mai ila, a fuh ber mai awm mange. Tin, a chhawng chawi tam dan kan pek danah pawh khan a lei innghat dan mi ram nen a inang lo tlat mai a, lei ring hi chhawngengngemaw zat a awm tlat mai a, engzat lei ring chin hi nge kan lak ang tih pawh zuk hriat thiam a har a. Tin, a then laiah chuan a chanve lek lei ringte pawh a awm a, khata tanga chhiah Rs.20/- an pek kha a lo na ve leh mai thei a. Kan Member zahawm tak hemi supplementary resolution rawn siamtu pawh khan hei chu a admit thei mai lawm ni ka ti a ni.

*PU H.RAMMAWI : Pu Speaker, Sairang bial Member zahawm tak rawtna pawh kha tha tak mai a ni a. Amaherawhchu a chhawng pawh kha a in ang lo thei a, thenkhat te chu ft 50 a lian te a ni anga, a thente chu ft 12 lek a liante a ni, **bawk**, anga, Bazara mite ang saw, khanga han tih kha chu a mawi lo viau anga. Amaherawhchu, in hmun han tih pawh hian in lian leh te pawh a awm ve leh zela, chutiang chuan a man te pawh kha a inang leh tho si, a tax chu. Khatiang kha a ni a, chuvang chuan chhawng tih pawh kha a awm viau a ni. Mahse, tun ang dinhmunah hi chuan ti rih lo ila, ni dangah hun thawl deuh te pawh a awm anga, vawlin ni angah hi chuan mover-in a rawn tih ang hian category I & II hi pass mai ila, sawi tam vak ngai lovin a tha mai lawm ni?

PU C.VULLUAIA : Pu Speaker, rorol tura kal khawm kan ni a, a tul leh dar 4 thleng khian kan kal mai anga. Hei kan rawtna a key a kha ngaihtuah tur a ni a, ram leh hnam tana thahnem ngaihna kan ram leh kan mipuite relbawlnaa kan kut kawih tel lo tawp maia vai ram pawisa dilchhuah ringawt maia in enkawl hi eng emawti zawnga ngaihtuah chuan a zahthlak tawh a ni e tih ngaihtuahna atangin thil dangah kan ti thet vak si lo, rangka-chak khum kan nei silo, kan leiman tih hi i han tipung teh ang tihna atang khan a ni a. Rethel na na na chu hmana Rs.2/- leh tuna Rs.2/- danglam hle tawh mahse, a ngain kal rawhse, tih kha mipui hmangaihna aw kha a ni a. Amaherawhchu, cement concrete chhawng sa ut ut hi chuan ramleh hnam tan thawllawm thawh tam

* - Speech not corrected.

rawhse. Tax an tihte hi kan khawn ve a ni si lova, nichinah khan hausate kha leiman dang tih ri kha a awma, hausaleiman kan la khawn si lova. Heng ho ina Rs.10/- lek lek Rs.20/- lek lek an pek khawn atanga a sing a nuaih lo tling khawn tur kha engtingge kan lakkhawn ang tihna atanga he rawtna hi lokal a ni a. Chumi thahnem ngaihna atanga hei hi kan rawt belh ve kha a ni a. Ni e, Thingtlangah pawh hlam 2 bial lek leh hlam 1 lekin Rs.2/- a chawi a, hlam 15 pawhin Rs.2/- the a chawi a, a inchhawng kha a lian emaw a te emaw a ni lol in chhawng man kha chawi mai sela, eng chin hi nge tih chu a titutur an awm dawn a, MLA ho rawt a ngai do, a thiam riau an awm, an indaih lawng tih kha chu a veng area in an insem vek mai a ni. Chhawng hnuai khawn thei chuan chhawng hnih pawh a khawn thei em emang. Chuvengin ka rawtna rawn su thia turin a pawimawh berin ka hre law, a original helala la tel lo, helala rawt chawp mai hi Member te kan la hmin tlang lo a nih chuan ka su tlang duh lem lova, khami resolution lo lut ka han rawt belh kha chu ka rawt tlang zel lem love.

SPEAKER : Minister-in-charge-in rawn wind up tawh mai se a tha ang a.

***PU LALHMINGTHANGA: MINISTER** Pu Speaker, tuna kan discuss atanga han thlir khanin hemi original resolution neitu-ina ram leh hnam tana revenue resource kan nei theihna zawk tur atan chuan "Ka resolution-a category hrang hranga heng a rate te ka han tihpawh hi House opinion leh thil tha zawkah ka dar phal a ni" a tihna zuk enleh Member zahawn takin chu aia thahnem ngai taka a chhawng thute a rawn sawi takah chuan hetiang hian kan kal thei mai lawm ni? Tunah hian Department-ah hian process lai mek kan nei a, kan existing taxes bakah hian additional resources te pawh dapin beih mek a ni a. Tichuan hemi hi a hmaa kan resolution ang deuh khan vote la lovin a principle in House hian kan duh tih a entir tawh a. Fixation of rates te chu convenient taka tun aia proper taka assesment nei thei zawka heta fix bur lova Department hi in dah theih chuanin House duh dan a Chiang tawh baw si a, chutiang chuan kan kal thei lawm ni? A resolution original kha zuk pass ai khan a effective tawh zawk tihna kha a ni a. Chutiang chuan House-ah xrawtna kan thehlut tlat teh ang, open mind vekin thu kan sawi a ni si a.

***SPEAKER:** Awle, resolution rawn puluttu pawhin a in huamna kha kan hre vek tawh a, ka rawn theh- luh ang kher kher pawhin ka ti chuang lova. Amaherawhchu, revenue te a luh tam zawk theihna turin category nela tih hi a rawn duh mai a ni a, hemi ang chiah pawhin ka ti love tih kha a rawn sawi zo tawh a.

PU ELLIS SAIDENGA: Pu Speaker, category hrang hranga pawisa pek tur kha ka ti a ni.

SPEAKER : Pawisa pek tur hi a Category hi chu thlak lovin tih a ni a. Chu chu a principle ang pawhin pass chu a remti tho niin a langa, a principle-in hemi resolution hi kan pass thei dawn em?

* - Speech not corrected.

*PU LALHMINGTHANGA: Pu Speaker, pass i sawi tel leh thin a, kha
MINISTER thil kha inkalh tlat a ni a, pass a nih chuan
'It is the resolution that we have to pass'
chuvang chuan nangman i conduct danah hian fimkhur la, opinion
kha la mai teh, a pass thu sawi tel chuang lo khan, tahchuanin
House a kal tluangin a rinawm.

SPEAKER : A principle ang chuan lungrual takin kan pawm
tlang ta a ni lawm ni? Resolution kal tawh a
nih avangin a principle in House-in a pawm tho dawn avangin a
resolution neitu khan a resolution hi a withdraw thei em aw? Sawr-
karin hetiang hian tih tho a tuma, tin, House ngaihdan pawh a ni a.

PU ELLIS SAIDENGA: Pu Speaker, hei hi apawimawhza kan hre tlang
viauva. Kan Minister-in-charge khan a rawn sawi
a, a Chiang viau bawka, kan Minister-in-charge in hemi thuah assu-
rance min pe thei a nih chuan ka remti mai a.

*PU LALHMINGTHANGA: Pu Speaker, nichina ka sawi ang khan ka pe tawh
MINISTER sa a ni mai a, member zahawm tak pawh khan.
Amaherawhchu, kan sawi nawn leh anga. Heta
House opinion-ah khan a category No. III mi rethei te concern
status quo ni rawhse tih kha kan unanimous opinion a nih tawh
avangin kha lai kha chu kan rawn khawih dawn lo a ni, sawrkarin
kan tih pawhin. Amaherawhchu, tuna kan discussion tuna a principle
kan adopt tawhnaah hianin a rate kha resolution move-tu khan
Rs.10/- emaw Rs.20/- emaw kha ka strict tlat chuang lo a ti a.
Khami a fixation kha ngun-thlukin kan rawn en anga, chu chu 100%
assurance a ni zawk a.

SPEAKER : Awlo, hemi resolution hi a rawn move-tuin
assurance min pek theih chuan ka withdraw thei
ang a ti a. Chuvangin, a withdraw thei ta a, chuvangin, vawina
kan session chu kan Business kan lo zo ta a.

Tin, tun tum kan Session chhuug zawnga thil
awndan tlangpui, a tawp nan- Starred questions - 21 kan dawng,
chutah chuan 16 kan admit a, tin, kan admit zawng zawng chu chhan
kim vek a ni a. Tin, Short Notice pakhat kan dawnga, chu chu kan
admitted a, chhanna kan hmu bawka. Tin, Resolution 6 a lut a, chu-
tah chuan 4 kan admitted a, chungte chu ngaihtuah an ni a. Tin,
Department hrang hrang atanga zawhna lo lut leh a chhanna hetiang
hi a ni. Industries Department atangin - 1 a lo lut a, chhan a ni.
Political Department atangin Starred Question 1 a lo lut a, chu
chu chhan a ni bawka. Tin, Education Department atangin question
2 a lo lut a, chhan a ni a, Forest Department atangin question 1
a lo lut a, chhan a ni bawka. Law & Judicial and District Council
Affairs-ah zawhna a lo lut a, 3 chhan a ni bawka, a vain. Tin,
Agriculture and Soil Conservation Department-ah question 2 a lo
lut a, a pahnih chuan chhan a ni. Tin, Supply & Transport Depart-
ment-ah pakhat a lo lut a, chhan a ni bawka. Tin, Appointment
'A' Department ah pakhat a lo lut a, chhan a ni a, Finance depart-
ment-ah pakhat a lo lut a, chhan a ni a, Cooperation-ah pakhat
a lo lut a, chhan a ni. Tin, Home Department-ah pakhat a lo lut a,
chhan a ni, Community Development-ah pakhat a lo lut a, chhan a ni.

* - Speech not corrected.

Parliamentary Affairs--ah short Notice Question pakhat a lo luta, chhan a ni. A vain Starred Questions 16 lo lutah avain chhan a ni. Tin, Short Notice Question pakhat a lo luta, chu pawh chu chhan a ni.

Awle, kan business kan lo zo ta a, House chu adjourned a ni.

Meeting adjourned sine die
at 1335 hours.

J. MALSAWMA
SECRETARY.